



雲中郡誌卷之十

大同府知府胡文燁

纂修

同知張國宗

通判陳禹謨

通判謝祖悌

推官劉宏與

應州知州岑紹祖

渾源州知州郎永清

蔚州知州

朔州知州胡養忠

雲中郡誌卷之十

大同府知府胡文燁



纂修

同知張國宗

通判陳禹謨

通判謝祖悌

推官劉宏祖

應州知州岑紹祖

渾源州知州郎永清

蔚州知州

朔州知州胡養忠

大同縣知縣王度

懷仁縣知縣劉三章

山陰縣知縣趙民善

馬邑縣知縣徐明弼

靈丘縣知縣羅森

廣靈縣知縣范發愚

廣昌縣知縣卞為麒

校閱

舉

人丁大年

貢

生徐化溥

廩

生張元勳

李可大同校

事功

雲有川岳恒桑截冽雲有勳馭文武炳赫以經以
緯爽邦由哲偉績豐功垂名升帛志事功

漢

裴遵雲中人為墩煌太守光武既得河西四郡召見
郡邑吏以遵為賢從征蜀帝既還命遵率偏師從
大司馬吳漢等討公孫遂定蜀地有功卒祀於鄉
張遼馬邑人字文遠勇力廢千人初以兵屬董卓卓
敗屬呂布曹操破布於下邳遼被縛求死操釋而

大同縣知縣王度

懷仁縣知縣劉三章

山陰縣知縣趙民善

馬邑縣知縣徐明弼

靈丘縣知縣羅森

廣靈縣知縣范發愚

廣昌縣知縣卞為麒 校閱

舉 人丁大年

貢 生徐化溥

廩 生張元勳

李可大同校

事功

雲有川岳恒桑截洌雲有勲馘文武炳馘以經以
緯爽邦由哲偉績豐功垂名升帛志事功

漢

裴遵雲中人為墩煌太守光武既得河西四郡召見
郡邑吏以遵為賢從征蜀帝既還命遵率偏師從
大司馬吳漢等討公孫述定蜀地有功卒祀於鄉
張遼馬邑人字文遠勇力廢千人初以兵屬董卓卓
敗屬呂布曹操破布於下邳遼被縛求死操釋而

將之數戰有功遷裨將軍與夏侯淵圍昌豨於東海乃說豨降遷盪寇將軍遣屯長社操征張魯邊與樂進等將七千餘人屯合肥以備吳俄而權發兵十萬圍合肥遼被甲持戟陷陣殺數十人斬二將大呼自名直衝入權麾下權大驚望見遼所將兵少乃聚衆圍之數重遼直前擊鬪開將麾下數十人出權軍披靡遂奪氣權引退拜征東將軍卒

於江都

南北朝

衛操字德元代人少任俠多才征北將軍衛瓘以操

爲牙門將晉亂乃自結於魏神元後與從子雄及

宗入來歸當桓穆時多方招納晉人於是晉人避

亂來歸者日衆魏主漸任以國事及劉石之亂以

魏主匡輔晉室司馬騰以操身雖在魏而繫心中

朝表授定襄侯始操所與宗人入魏者衛勲安樂

亭侯衛崇衛清並都亭侯操卒鄉人德而祀之

叔孫建代人智勇兼著嘗爲廣河鎮將有威名爲宋

所憚魏太武信愛之封丹陽王加征南大將軍先

是與宋將檀道濟戰於滑臺建縱輕騎邀其前後

焚其糧草併絕其餉道道濟遂遁凡魏征伐常爲

將之數戰有功遷裨將軍與夏侯淵圍昌豨於東海乃說豨降遷盪寇將軍遣屯長社操征張魯遂與樂進等將七千餘人屯合肥以備吳俄而權發兵十萬圍合肥遼被甲持戟陷陣殺數十人斬二將大呼自名直衝入權麾下權大驚望見遼所將兵少乃聚衆圍之數重遼直前擊鬪將麾下數十人出權軍披靡遂奪氣權引退拜征東將軍卒於江都

南北朝

衛操字德元代人少任俠多才征北將軍衛瓘以操爲牙門將晉亂乃自結於魏神元後與從子雄及宗人來歸當桓穆時多方招納晉人於是晉人避亂來歸者日衆魏主漸任以國事及劉石之亂以魏主匡輔晉室司馬騰以操身雖在魏而繫心中朝表授定襄侯始操所與宗人入魏者衛勲安樂亭侯衛崇衛清並都亭侯操卒鄉人德而祀之叔孫建代人智勇兼著嘗爲廣河鎮將有威名爲宋所憚魏太武信愛之封丹陽王加征南大將軍先是與宋將檀道濟戰於滑臺建縱輕騎邀其前後焚其糧草併絕其餉道道濟遂遁凡魏征伐嘗爲

謀主容貌清整雅尚人倫禮賢下士在平遠十餘年綏懷內外爲魏名將

燕鳳字子章代人好學博綜兼通陰陽識緯魏昭成聞其名聘不至乃以軍圍代昭成謂城中人曰燕鳳不來吾且屠城於是衆懼而勸鳳行至待以客禮後拜代王長史參決國事道武卽位歷給事黃門侍郎行臺尚書尤見禮重入講經史出圖國政太武初以舊勳賜爵舒平侯鎮遠將軍

長孫嵩代人父仁昭成時爲南部大人嵩雅有識量累著軍功封南平公明元卽位與奚斤安同等八人坐止車門右聽理萬幾時號八公太武卽位進爵北平王司州中正太武出征嵩以元老留守京師坐朝堂聽斷刑獄卒謚宣五世孫儉仕後周以方正稱爲荊州刺史卒謚文

長孫道生嵩從子厚重有畧道武信任之使掌機密太武卽位封汝陰公進上黨王卒年八十贈太尉謚靖道生廉約身爲三司衣無重彩食不兼味時人比之晏嬰所在著績建大議洞中機宜將兵有權畧與嵩俱爲三公世以爲榮魏主常稱曰智如崔浩廉若道生曾孫歸爲前將軍從孝文南討宣

武時爲揚州刺史假鎮南將軍都督淮南諸軍事
于栗磾代人材武多藝能左右馳射道武初與寧朔
將軍公孫蘭潛自太原從韓信所開井陘故道襲
慕容寶於中山道武後至見道路修治大悅賜名
馬及趙魏平置酒高會道武謂栗磾曰卿吾之黥
彭也太武征赫連昌勅栗磾將兵襲陝城長驅至
三輔進爵爲公

古弼代人忠謹好讀書善騎射太武卽位拜立節將
軍以功封靈壽侯歷位侍中吏部尚書雖事務紛
雜而讀書不輟端謹慎密口不言禁中事嘗奏上
谷苑囿過度宜減大半以賜貧民魏主時與給事
中劉樹奕志不聽事弼侍坐良久趙粹樹斲之曰
朝廷不治實爾之罪魏主失容釋碁曰不聽奏事
朕之罪其急置樹竒弼公直可其奏

尹馥代人有絕力走及奔馬曳牛却行仕魏爲侍卽
太武之將討涼州也議者咸諫以爲無水草惟司
徒崔浩勸行馥不知書直以意言曰涼州若無水
草何以爲國郡臣議不可用宜從浩言太武善之
旣尅涼州顧謂浩曰馥智力如此終至公卿浩曰
何必讀書然後爲學衛青霍去病亦不讀書而大

建勲名致位公輔太武笑曰誠如公言馥雖武健而性忠謹日被眷寵及爲三公清約自守爲政舉大綱而已不爲苛碎

穆崇代人機敏便捷先効節於神元桓穆之世道武時居獨孤部崇往來奉給潛自結人莫及者道武爲魏王拜崇征魯將軍從平中原賜爵歷陽公散騎常侍後遷大尉豫州刺史

乙瓌代人其先世遶外人也瓌父匹知遣瓌入貢太武留之瓌善騎射手格猛虎尚太武女上谷公主從南征都督前鋒諸軍事勇冠三軍進爵爲王子乾歸有氣翰頗習書疏尤好兵法尚景穆女安樂公主獻文初爲秦川刺史有惠政孝文卽位爲中道都將子海位散騎侍郎海子瑗尚孝文女淮陽公主累遷西交州刺史

周幾代人少以善射爲獵郎明元卽位爲左部尚書以軍功封交趾侯太武以幾有智勇遣鎮河南威信著于境外號宋兵將軍

豆代田代人多力善射明元時爲內細射從攻虎牢詔代田登樓射賊矢不虛發以功遷內三節從討赫連昌乘勝追賊入其宮門門閉代田踰垣而出

太武壯之拜勇武將軍後從討平涼破赫連定得
奚斤等以定妻賜之詔斤膝行授酒於代田曰全
爾身命者代田功也從討和龍有功封長廣公
車踏頭代人自少以忠謹稱選給東宮為帳下帥慎
飭無過天賜末明元出於外踏頭隨侍竭力及即
位拜散騎常侍明元性明察群臣多以職事遇譴
故踏頭優游不任事侍宿左右從容談笑而已踏
頭性無害每至評獄處理常融寬恕之議以是見
重於朝寵賜隆厚當時功名莫及

陳建代人以善騎射擢為三郎稍遷下大夫內行長

太武討山胡白龍意甚輕之將數十騎登山臨險
白龍伏壯士十餘處出不意襲擊太武墮馬幾獲
之建以身捍蔽大呼奮擊殺數人身被十餘鎗太
武壯之孝文初徵為尚書右僕射加侍中進爵魏
郡王孝文與文明太后屢幸其第賜建妻宴後庭
來大千代人父初貞從道武避難以創業功官至後
將軍武原侯大千驍勇善騎射嘗從明元校獵見
虎據高巖上持稍直前刺之應手而死帝嘉其勇
壯太武踐祚與盧魯元等七人俱為常侍晝夜不
離左右屢從征發以戰功賜爵廬陵公鎮雲中兼

統白道軍事太武以其壯勇數有戰功兼悉北境
險要詔使巡撫六鎮以防寇經畧布置甚得事宜
周觀代人駉勇有膂力太武以軍功賜爵金城公任
高平鎮將善撫士卒號有威名

尉揆代人父郝漢陽太守揆討和龍擊吐谷渾皆有
軍功累遷杏城鎮將大得人和文成以揆清平有
惠績賜以禮服獻文卽位爲北征都將南攻懸瓠
進爵安成侯任北豫州刺史

呂洛拔代人曾祖湯侯昭成時率戶五千歸魏父匹
知大武初爲西部長封滎陽公洛拔以壯勇知名
文成末爲平原鎮將隨尉元攻宋將張永大敗之
賜爵成武侯

薛彪子代人祖達頭自姚萇時率部落歸魏道武賜
爵聊城侯彪子姿貌壯偉明斷爲內行長典奏諸
曹專當官正直內外憚之及文明太后臨朝爲近
臣所嫉黜爲鎮門士及獻文復除枋頭鎮將累遷
開府徐州刺史在州甚多惠政百姓便生沛郡太
守邵安下邳太守張攀咸以賊汗彪子案之於法
安等遣子弟上書誣彪南通賊虜孝文曰此修郤
耳推案果虛

尉元字苟仁代人世爲豪宗父目斤勇畧聞於當時
常有戰功拜鎮西大將軍開府統萬鎮將甚得夷
人之心進爵淮陽王以舊老見禮聽乘步挽杖於
朝時齊遣間諜扇動新民不逞之徒所在蠶起以
元威名夙振召爲征南大將軍總率諸軍以討之
賊元和等皆平東南清宴遠近帖然進位司徒卒
年八十二謚景桓葬以殊禮給羽葆鼓吹假黃鉞
陸侯代人父突道武初從征數有功位上黨太守爵
關內侯侯襲爵當官無所撓任冀州刺史治績第
一子十有二長馥多智有父風賜爵聊城侯爲相
州刺史政號神明代遷吏民饋遺一無所受後進
爵建安王兼太保次歸東宮舍人駕部校尉次麗
迎立文成受心膂之任封平原王次麒麟侍中散
騎轉侍御史新平太守馥六子琇凱最知名凱爲
給事中黃門侍郎在樞要十餘年以忠厚見稱出
正平太守號稱良吏歸子琮夏州刺史琮子旭性
雅澹好象緯之學稍遷散騎常侍知時將亂遂隱
太行山屢徵不起旭子騰屢破諸賊遷大司空進
柱國上庸郡公騰子長玄仕齊爲地官府都上三
次融位至大將軍麗子長定國次獻定國以父王

爵讓弟猷詔聽之定國累遷司空太和初復除侍
中鎮南將軍秦益二州刺史封東郡王獻襲爵撫
軍大將軍平原王沈雅好學折節下士年未二十
人皆以宰輔期之後將兵大破蠕蠕加散騎常侍
尚書左僕射封鉅鹿郡公騏驎子高賓兖州鎮東
府法曹參軍凱子長暉次恭之並有時譽人稱爲
雙壁暉除伏波將軍恭之位荊州刺史贈吏部尚
書所著詩文千餘篇暉子元規位尚書郎元規子
撥通陰陽律曆位并州長流參軍恭之子長畢通
直散騎常侍次寬仁惠大子中舍人待詔文林館
兄弟並有才望時稱三虎定國子昕之襲爵例降
爲公尚猷文女常山公主歷交青二州刺史並有
政績昕之無子以兄子彰爲後公主育之過柵已
出襲爵東郡公累遷給事黃門侍郎歷晉冀滄瀛
四郡守甚有時譽除中書監宣子六皆雅循法度
長邛博學善屬文性至孝喪父哀毀骨立兄弟六
人並廬墓所著文章十四卷行於世次駿自中書
舍人歷黃門侍郎散騎常侍次杏秦州刺史次騫
歷中書舍人黃門常侍次搏次彥師俱好學修行
檢彥師仕至尚書左丞邛子又聰敏博學有文章

十九舉司州秀才累官文林館兼散騎侍郎精於五經時人稱曰五經無對有陸又獻子長希道有文學拜諫議大夫累遷平西將軍涇州刺史馭邊著威畧次希悅尚書外兵郎中希道六子長士懋以曾祖麗翼戴功詔時進鉅鹿郡公次士宗尚書左外兵部郎中次士述符璽郎中次士蕪北平府長史次士佩安東將軍司州從事高饒子操修潔有文名位廷尉卿執法不撓操子孔璋高陽太守庾業延代人後賜名岳爲將有謀畧名冠諸將及罷鄴行臺以所統六郡置相州拜岳爲相州刺史秉法平允百姓稱之遷司空

羅結代人從道武于賀蘭部道武卽位以功賜爵屈蛇侯太武初累遷廷侍中外都大官總三十六曹事年一百七歲精爽不衰太武以其忠慤甚信任之監典後宮出入臥內因除長秋卿年一百一十詔聽歸老賜大甯東川爲私第朝有大事馳驛詢問卒年一百二十謚貞子斤從太武討赫連昌力戰有功歷位四部尚書從平涼州以功賜爵帶方公除長安鎮都大將

婁伏連代人忠實有器量年十三襲父位以功賜爵

安邑侯子貞襲隆爵爲公貞弟大拔封鉅鹿侯大
拔孫寶性淳朴好讀書魏明時仕至朔州刺史時
邊事屢興民多流散寶留心安集壞廢民居皆爲
葺構人始相繼歸業老爲天下最後隨大都督源
子邕討葛榮敗績陷於榮迺變姓名匿於戎伍以
免害後葛榮滅寶始得還除假員外散騎常侍使
蠕蠕先是蠕蠕稱藩上表後以中州不兢書爲敵
國之儀寶至責之蠕蠕王大驚謝罪更稱藩孝武
立封廣寧縣伯進儀同三司寶爲人清簡少言位
歷師傳守靜謙恭爲衆所服

奚牧代人沉深有知謀道武寵遇之稱爲仲兄而不
名又以先朝舊勳蒙詳國計從征慕容寶以功拜
并州刺史

長孫肥代人果毅少言有雅度年十二選入內侍道
武之在賀蘭部相從禦武左右深倚仗之後從平
中山以功賜爵瑯邪公遷衛尉卿鎮兗州撫慰河
南威信著於淮泗肥善謀策勇冠諸軍前後征討
未嘗失敗南平中原西摧羗寇肥功多賞賜千計
子謹栗碑子仕周累官大都督封燕國公謹位高志
謙功臣中禮遇終始無間保定中以爲三老卒謚

文次子翼仕周爲涇州刺史其兄定先蒞此州有
惠政翼又推誠布信遠近咸悅比之大小馮君翼
弟義歷數州刺史

尉遲迥代人有大志好施愛士仕周封西都侯周文
命率兵取蜀以爲益州刺史綏輯新邦民夷懷服
後爲相州總管

斛律金朔州人性敦實善騎射望塵知馬步多少嗅
地知軍度遠近仕至汾州刺史北齊時以功封咸
陽郡王卒謚武子光馬面彪身工騎射初事文襄
光馳射以矢俱落焉又從校獵見雲表一大鳥射

之正中其頸形如車輪旋轉而下乃鵬也當時號
落鵬都督齊受禪進封鉅鹿郡公周遣將圍宜陽
光率步騎五萬赴之戰於城下取周建安等四戍
捕千餘人而還軍未至鄴敕令散兵光以有功者
未得尉勞若散恩澤不施乃密表請使宜旨軍仍
且進齊王聞軍已逼心甚惡之急令舍人追光入
見然後宣勞散兵拜左丞相遂殺之血流於地割
之迹終不滅周武聞光死赦其境內從入鄴指光
名曰此人若在朕安得至此

獨孤信雲中人羨姿善射從西魏孝武入關累官大

宗伯魏國公信雅有奇謀人莫能測 時咸重之

張華原平城人明敏有器度仕齊武畧除散騎常侍

周文始據雍州神武使華原入關說之周文欲屈
為用華原曰殞首而已不敢聞命北還神武以為

忠累進公爵後為交州刺史專以恩信服人錄囚
縱重辟數十人給假五日囚依期畢至曰有君如

此何忍負之先是州境數有猛獸傷人自華原臨
政州東北忽有六駮食猛獸殆盡咸神異之

朱瑞桑乾人父惠行太原太守瑞敦原質直爾朱榮
引為大行臺郎中除侍中封樂陵郡公卒謚恭穆

奚眷代人為將有謨畧明元中任武牢鎮將為寇所
憚太武時賜爵南陽公

陸真代人父洛侯秦州刺史真自少工騎射太武時
以功進爵都昌侯遷河南公人咸服其威信

劉尼代人勇敢善射有寵於太武拜羽林中郎賜爵
昌國子以立文成封東安公尋遷尚書右僕射為

定州刺史以清謹稱於時

娥青代人謀勇善戰太武初累功遷給事黃門侍郎
封東平公子延封南平公

張綦平城人北齊時叅丞相軍事為行臺右丞終讓

軍將軍嚴而不苛訂定而後戰為齊良將

綦連猛代人才武負氣以軍功封廣輿縣侯秦定二

州刺史寬惠著名

王德代人有驍雄之姿而行已孝悌累功封河間郡公河南刺史威名遠播為羗夷所服

隋

杜彥雲中人勇敢善射初仕周拜隴州刺史入隋封公與韓擒虎平陳進位在國賜其子寶安爵昌陽縣公大業中以彥素為突厥所憚拜雲中總管

于仲文謹孫初仕周為東郡太守尉遲迥作亂誘仲文不從奔隋進位大將軍煬帝時掌文武選事嘗撰漢書刊繁并畧覽各三十卷

伏乞慧馬邑人祖周魏銀青光祿大夫慧少慷慨有大節文襄時累封宜民郡王兄賢和亦以軍功為王聲望亞於慧一門二王時稱譽顯

達奚長儒代人少勵節操膽畧過人年十五襲爵樂安公從軍有功授行軍總管高祖受禪進位上大將軍封蘄春郡公開皇二年率兵二千擊破突厥十餘萬衆於周槃後為荊州總管督三十六州諸軍事

賀婁子幹代人開皇初為行軍總管屢破突厥吐谷
渾高祖以其曉習邊事拜雲中刺史卒謚懷

唐

尉遲恭字敬德鄜陽人隋大業末為宋金剛將時太
宗為秦王諭降之事跡詳史編累功封鄂國公金
龍池其遺蹟焉帝將征高麗恭上言乘輿至遼太
子次定州兩京空虛恐有玄感之變小國不足枉
萬乘帝不納顯慶三年卒壽八十餘謚忠武

侯仲莊蔚州人為定武將軍擒安太清有功累加冠
軍將軍僕固懷恩叛仲莊訓兵自守德宗幸奉天
遷左衛將軍留鎮奉天者幾二十年

五代

郭崇韜代人才敏善政事尤明於料敵為後唐莊宗
佐命之勲官樞密使

周德威馬邑人勇而多智望塵知敵事晉王克用以
破夾寨功拜振武節度使同中書門下平章事後
與梁人戰河上晉王不用其謀軍敗父子皆死王
悔恨不置明宗即位贈太尉封燕王配享莊宗廟
康思立山陰人少為騎將從莊宗破梁戰栢鄉有功
累遷突騎指揮使

安重誨應州人唐明宗官至中書令時有猷嘉禾及
白鷹白兔者皆却而不獻曰此無關於事徒導人
主侈心耳

折從阮初名從遠雲中人世爲大族仕後唐爲府州
刺史歷周漢爲永安宣義保義靜難四鎮節度使
因石晉割地賂契丹府州與焉從遠保險拒之又
常引兵深入其境拔勝州及十餘寨卒贈中書令
子德袞爲周永安軍節度使甚得番情德袞二子
御勳御卿皆嗣知府州御勳事宋太祖爲永安軍
留後改泰寧軍節度使御卿從太宗征河東拜永
安軍節度使嘗大敗契丹卒俱贈侍中御卿子惟
正惟昌惟信惟忠惟忠子繼宣繼閔繼祖繼閔子
克行克行子可大俱皆嗣知府州惟昌因惟信死
寇突圍出戰敗之累遷忻州刺史惟忠累遷雲麾
將軍繼閔拒趙夏元昊兵州境無虞繼祖常奏乞
書籍仁宗賜九經于州後加解州防禦使克行善
循士卒每戰必勝夏人畏之在邊十二年累戰功
遷秦州觀察使克行從子可適善戰不習而能從
種諤出塞屢敗夏人以功累遷武安軍節度留後
知渭州可適子彥質官至僉書樞密院事

郭崇應州人厚重寡言有方畧初仕後唐為應州都校晉割應州入契丹崇耻事之遂南歸後仕周以功累遷侍中兼中書令次子允恭女為宋仁宗后史彥超雲中人仕後周為都指揮使與敵戰陷陣先登以功拜感德軍節度使後以戰沒世宗贈太師優卹其家

宋

陸萬友靈丘人仕周累官安州防禦使宋討江南造船乘石礮以濟師命萬友守之江南平為和州防禦使終河陰兵馬都監萬友始業巧鑊既饗達遺巧鑊之器以示子孫曰世世使無忘我貧賤時也李漢超雲中人仕周為殿前都虞候宋初為齊州防禦使在郡有善政吏民愛之太宗時遷應州觀察使漢超善撫士卒沒之日軍皆殞涕贈太尉

薛超平城人膂力絕世乾德初應募為虎捷卒從崔彥進伐蜀以功補虞侯太宗時累遷至天武指揮使又從征太原禦契丹遷神衛軍都校後領澄州團練使

畢士安雲中人乾德中進士咸平末知澠州治以嚴正見稱特加月給之俸累官同平章政事真宗時

與寇準決策北伐却契丹於澶淵平生以名節自勵為一朝名相沒贈太傅中書令謚文簡子世長世慶皆宦達世長以司農卿致仕與名睢陽五老曾孫仲衍仲游仲愈並著時名仲游尤工詩

党進馬邑人開寶中從征太原以功歷官至中武節度卒贈侍中進形貌魁岸每環甲冑毛髮皆豎宋制掌禁兵者悉書其數於挺上記焉太宗問進所掌幾何進不識字但舉挺以示曰盡在是矣帝以其朴實愈益厚之

李重誨金城人

遼金城今

初仕契丹與潘美戰被擒

太宗召見補鄧州都指揮使雍熙初為忻州都巡檢緣邊十八砦招安制置使弟重睿歷官澄州團練使

姚兪五原人父寶戰死定州兪力學兵法為環慶巡檢屢敗夏人擒鬼章積官至通州團練使兪幼失父事母孝凡圖書器用皆刻仇讐未報字弟麟亦有威名累官至定武軍節度時號二姚

姚雄兪子少勇鷲有謀佐父征伐立功歷知岷會河熙州遷至武康節度使卒謚武憲弟古亦以邊功累官熙河路經畧靖康中總兵援太原與金人戰

種師忠敗死古兵濱詔安置廣州

遼

陳昭襄雲州人勇而善射為敦睦官太保遼主常射
虎虎怒奮左右辟易昭襄捨馬捉虎兩耳騎之虎
駭且逸昭襄終不墮地伺便拔佩刀殺之遼主慰
勞燕賞累遷歸義軍節度使

邊貫道豐州人中狀元三子長元勳遷雲中金天會
十年進士終河間路轉運使次元鼎元恕並知名
邢抱朴應州人父簡刑部郎中抱朴好學博古與弟
抱質皆授經於母陳氏保寧中抱朴累官翰林學
士承旨叅知政事常按察諸道黜陟守令明允直
亮大協人心官至南院樞密使抱質亦官至侍中

金

蘇保衡渾源州人少有識量遇妖怪不為所惑天會
中舉進士累官至叅知政事進右丞致仕以忠鯁
為其主所稱

李完馬邑人以經童出身復登詞賦進士第累官至
北京轉運使事常註易經有易解行於世子淵重
寧進士累官翰林修撰文喜新奇常為御史循行
河南豪猾望風遁去歸元以文章稱孫膺生七歲

而孤事毋以孝聞太宗時詔郡國設科選試凡占
儒籍者復其家膺年甫弱冠與其選愈自砥礪遂
以文學稱薦為翰林修撰同知制詔兼國史院編
修後徵拜集賢學士卒謚文穆膺子肇順踏總管
府判官孫豫南陽府穰縣尹

安明本山陰人初為千夫長戊繁峙韓元帥皓見明
本特異授以忠州都統賜之銀符使招誘殘民復
歸田里後遷平陽元帥百姓惜其去攀號留之於
是復召還忠州以慰百姓

程震東勝州人與其兄鼎俱第進士興定初震為陳
令治行河南第一召拜監察御史剛直有才幹臺
綱大振

元

子孟攀鱗雲內人幼時日誦萬言時號奇童金大定中
進士元授翰林侍制常陳七十事世祖悉嘉納之
卒追封平原郡公謚文定

程思廉東勝州人至元中為監察御史以劾權臣阿
合馬繫獄後為雲南行臺御史中丞累任風憲剛
正疾惡好薦達人物或以為好名思廉曰若避好
名之譏不復敢為善矣

謝仲溫豐州人畧涉書史見世祖於野狐嶺命備宿衛歷湖南淮東宣慰使所至有政績

魏璠順聖人金進士補尚書省令史宣宗求直言璠首論將相非人授翰林修撰使武仙北還金已亡璠還鄉里元世祖徵璠訪以當世之務璠條陳三十餘事舉名士六十餘人以疾卒於和林賜諡靖

蕭

孫公亮少有大志練習國典襲父職佩銀符後上章言宜設御中臺以正紀綱遂拜公亮為監察御史

歷官工部尚書

趙璠蔚州人自幼不羈習武事以戰功授冀州行軍

都元帥璠以爵讓其兄珪改授軍民總管累遷河南道提刑按察使子秉溫累官昭文館大學士

崔斌馬邑人魁岸雄偉善騎射攻文學而達政術世

祖時累官江淮行省左丞色言讜論無所諱常行省湖南潭人為立生祠

高定渾源州人敦信義尚氣節仕為雲中招討使都南京路按察使長於吏治所至奸惡屏跡

虞仲文寧遠遼朔州屬縣人仕遼為相歸金為平章政事

封秦國公

程輝蔚州人皇統初進士累官磁州刺史遷戶部尚書大定末參知政事性倜儻敢言多所建明好雜學攻醫卒謚忠簡

康公弼應州人進士累官至乾州節度使初爲寧遠令以歲歉請蠲賦民德之爲立生祠常陷盜中盜使護送出境曰此良吏也

康元弼雲中人幼敏學善屬文第正隆初進士累遷同知河北路轉運使有治才大寧間河決曹濮人多溺死元弼相地改城於北原曹人賴焉官至尚書刑部侍郎兼鄆王傳遷南京路轉運使

高汝勵金城人大定中進士爲石絳二州刺史蒞官有能聲太和間戶部尚書掌天下財賦人比之杜佑李選相宣宗十年才量渾厚慎密廉潔號爲良相封榮國公卒配享宣宗廟

田琢定安金蔚州屬縣人明昌進士累官至山東路轉運使行六部尚書便宜招撫使卒於官

雷思渾源人舉進士累官大理寺持法寬平後同知元帥永安軍節度使謂諸子曰吾蒙國恩致位侯伯此布衣之極遂致仕去

楊贊蔚州人年十二給事馬驛累官晉寧路治中

幾八十跨馬馳躍便捷如飛趙子昂每稱爲奇士
許子遜大同人授中泰大夫集賢學士攻醫兼太醫
院使

王敏蔚州人任工部尚書建暖泉書院

張從儉大同人延祐中爲榆次令有異政邑中耆老
立碑記之

趙世延雲中人究心儒者之學世祖時爲監察御史
劾丞相桑哥後累遷翰林學士承旨加奎章閣大
學士中書平章政事預纂修經世大典封魯國公
敷歷臺省五十餘年卒謚文忠

杜唐卿大同人官浙江省參政德學高古

龐清廣靈人任吏部侍郎

聶諒廣靈人任大寧路總管高州知州

齊震廣靈人任宣府同知有惠政

張守中廣靈人任元帥屢戰克敵

張文顯懷仁人累官吏部尚書清正有守

李伯述應州人至正間爲河南省左丞卒于兵追封

魏國公謚忠

曹子名懷仁人至正間任上都縣令強直不撓惟義
是守

董朴朔州人授翰林院修撰同知制誥兼國史院編
修致仕學者稱龍崗先生

忽蘭大同人世襲大同路達魯花赤經七輩贈惟忠
翊運開府儀同三司上柱國金紫光祿大夫太師
宣寧王

明

田炯大同人洪武中以太學生起家居官勤慎簡約
有聞至吏部左侍郎

王孜蔚州人永樂中由太學生爲戶部主事蒞事能
勤眷遇日隆官至通政司右通政

李彛渾源人永樂中鄉舉擢監察御史才猷茂著尋
陞江西按察使治獄平允以最聞陞浙江布政使
卒於官

武達大同人永樂中鄉舉擢禮科給事中才識老成
隨事建白陞浙江布政司叅議有惠政尋遷廣西
叅政致仕

張羽山陰人永樂甲午舉於鄉授廣西道御史持已
嚴正彈壓不避以故不得久留中改龍泉縣知縣
尋以親老乞骸歸

侯復應州人永樂中授翰林院編修持身如玉有聲

王堂爲國子監司業學行翕然爲後學所稱

寇謙應州人永樂間授戶科給事中時相頗擅方得上寵謙抗章糾之風生朝宁即大司徒某亦甚憚之

郭願應州人永樂中以縣令選御史巡按京畿危言

讜論 文皇北伐願力諫後以言事不合拂衣歸

石瑁應州人宣德間進士初拜禮科給事中後知金

華府處州礦寇流入境屢被捕民賴以安慶民避

難來歸者相望可千餘瑁開倉賑之俱得全活蘭

谿豪吏徐世揚浦江豪軍王猛烈武斷大爲一方

害吏莫能治瑁皆置之法累官禮部尚書卒贈資

德大夫

吳翔大同縣人正德初任代王府教授以數直諫被

黜都御史年富薦其才起知山東曹縣有惠政

孫逢吉渾源人正統間鄉舉授陝西延長縣知縣考

最擢御史正色立朝握持風紀所至肅然按四川

屢辯冤獄久旱甘雨隨至歷陞陝西布政使在任

最久秦人老穉皆稔姓名

王縉山陰人成化四年以貢授臨邑縣知縣性清約

自奉蔬糲每公餘單騎行視阡陌呼田夫織婦與

語勸以農桑爭訟者撻笞用荆條俗以王佛呼稱

焉居二載傍邑訊盜盜不任拷刺連引邑大姓坐繫十數人臺察屬縉鞠之無驗力爲白狀臺察性苛以爲阿縱也恚甚移獄陵縣陵縣承風旨竟以拷掠定之悉論死縉拂衣起曰古人殺一不辜而得天下不爲乃欲吾戕十數人以博一墨綬吏乎卽日引疾歸歸兩月而真盜從他縣發覺賊證具伏辜諸誣繫獲釋臺察乃媿悔特疏薦准其致仕而劾陵尹鐫二級焉諸誣繫十數家皆尸祝縉

李敬大同縣人弘治間知文登縣清操自勵其政勸課農桑期實效故民安其業遷去民思之立碑

成文山陰人第弘治壬戌進士初授單縣知縣以循良稱復除武邑考最擢拜御史巡按南畿歲荒上疏請賑百姓賴之按甘肅戎騎入寇殘破總兵與鎮守中賢匿不以聞且賊平民肩首功文疏劾其奸守臣懼行數千金其家求解而文家皆清慎賂不得入守臣愈益懼乃持金走都下賂中賢用事者文反被逮繫 詔獄踰年中賢陰謀殺之誓主獄以疾文時揚一清爲冢宰素知文訝曰此必欲死之耳使人視之殊無恙陰諭言官疏救得削籍築別墅號成趣園自號遂齋嘉靖改元起知鳳翔

府歷副使叅政以及左轄西人甚德之入爲太常
卿尋以一清薦巡撫遼東文蒞任容臺未數日而
節鉞東矣至則易債帥汰冗兵久之移疾歸累詔
不起壽七十而卒

李翰臣大同縣人父享知縣翰臣善屬文弘治辛酉
解元戊辰進士以行人除御史按山東輒辨歸善
王之誣忤 旨謫判廣德州改知隨州至則除大
猾湯九毛九雷老虎三人以靖一方轉同知安慶
超河南僉事風裁益厲會流賊王塘數敗官軍猖
獗翰臣率兵討平之進山東曹濮兵備副使而曹
濮故多盜悉以計擒之其他發摘如神多此類移
疾歸會鎮兵叛能屹立自保爲人孝友敦篤得失
不膺于心家食二十年卒

田天澤應州人弘治間任耀州知州才長應卒而守
正不阿時流賊圍定興攻城幾陷天澤督兵拒走
之有巨璫某挾寵恣睢陝西諸郡縣類被其科索
跡且至耀天澤曰他州自有耀州自無致其政歸
卒贈通議大夫

郭登庸山陰人以正德甲戌進士除御史按陝西劇
賊樊紳聚衆作亂庸遣兵擊滅之按浙江大學士

張聰密有所托餞之蓋以永嘉之田百頃向荒蕪
自民佃種成上壤張欲得之囑庸為斷登庸按浙
且遍將及溫卽引疾歸固二年始起陞湖廣提學
副使申功令力正文體所拔士起為名卿者甚多
歷應天順天府丞會 世宗郊祀庸直園兵門報
進音響殊洪 上注目久之頃之大同巡撫缺吏
部以登庸名上 上曰登庸真撫臣也庸以鄉辭
乃調宣府撫臣扞大同而以登庸撫宣府焉簡將
覈兵斥埃甚謹大築邊墻工竣餘金數萬率報部
毫不染指性不喜佛按陝時偶抵一寺默察首僧
有異潛調軍圍之搜獲婦女十餘人及戎器于是
立斃首惡數僧杖下餘皆遣戍如律寺改書院宣
府亦一豪僧多才善交通賢人多不法事擒治之
毀其佛像鑄鍾以疾乞歸橐無長物構一第未境
而貲窮輒罷 詔起巡撫陝西疾不赴工書篆隸
八分小草皆臻其妙詩瀟灑不群性嗜學公餘一
編不去手蓄書甚富所著自修圖尤足為身心俾
焉

蔣應奎大同人以嘉靖丙戌進士授都水郎行河呂
梁積儲麥建橋梁人多德之陞營繕正郎以董建

兩宮成超拜太僕少卿復除府尹應天闢學宮裁
勲戚捐金墾秣陵荒田千餘頃里人始不難於賠
稅陞副都御史撫遼東繕邊垣增墩訓士闢寧遠
開原之地陞戶部侍郎尋改兵部兼僉都御史協
理戎政進正議大夫資治尹贈兵部尚書素性恬
澹處約循禮弱冠未第時鬻衣易穀以養父母一
介不苟也仕至通撫不御統綺不置妾媵卒之日
遺貲僅數百金

溫景葵大同縣人嘉靖戊子鄉舉任長山知縣輕徭
薄賦發奸摘伏邑大治擢御史正色敢言出守姑
蘇海寇犯郡隨機追剿防禦嚴而境內不至殘破
秩滿備兵霸州晉秩叅政會邊事孔棘遂以才望
拜僉都御史巡撫順天戎騎入景葵督兵拒走之
晉副都御史以疾乞休萬曆二年臺省交章不起
性端嚴清正政事文章具有可觀常自讚云我不
驕我不諂我不狂我不簡生平臨事與臨民天理
人情王法三者其大致可槩見焉

張應武大同縣人以貢生令大城縣平易近民稱廉
平焉陞河間府通判政務敦大乞休歸尤以經義
受生徒專言易一時致身青雲之上者多門下士

郭民敬山陰人生四年知書八歲通音律言動不苟
嶷然風度如大人號神童第嘉靖乙未進士為壽
光令治為濟南第一徵拜御史按南畿歲歉疏請
蠲租賦數十萬緡民賴以蘇息再按蜀過里值邊
警時山陰土城雉堞不完人無固志民敬為留行
集丁壯督軍兵城守甚備邑人恃以不恐按蜀隼
擊無忌即窮僻必至詢問疾苦典試所拔多名士
頃之移疾歸數月卒性至孝喪母勺飲不入口者
二日德兒不起家貲產悉分給諸弟侄

馬彥大同縣人博學善屬文行誼甚修兼工臨池之
技嘉靖壬子鄉舉謁選得薊州守會邊事孔棘彥
督民兵以計拒之遷同知鎮江府防江練舟師盜
賊屏迹署丹陽諸廢聿興開馬嘶港尤番一邑永
利擢戶部員外尋以僉事備兵潁州而潁固多盜
難治彥多方擒治之民賴安枕泗水衝隘為陵寢
患有司者堤之輒築輒壞彥曰如此是歲率民而
堤也躬備督之料理有方堤堅厚可久焉無何以
憂去哀毀得疾行至廣陵卒

郝杰蔚州人嘉靖丙辰進士第時父銘方為御史遽
乞休杰以行人為御史歷巡山海賓州順天所至

鷹擊有聲及掌京畿道出按察浙江會浙兩值軍
民之變杰隨機平定遷陝西右轄未幾起僉都御
史巡撫遼東進副都御史進兵部右侍郎兼僉都
御史總督薊遼時倭寇我屬國朝鮮告急杰發兵
尅復平壤等城進右都御史兼兵部右侍郎協理
戎政尋轉南京戶部尚書請告歸超起

工部尋改兵部參贊機務時川粵徐淮之間騷然
多事擘畫煩勞屢疏乞骸不得請卒予卹典有加
賜祭葬贈太子少保錄次子入監

李一鶚大同縣人嘉靖乙卯舉人醇篤不浮立身有
法初令無極轉江寧及調勒石記績以志思焉在
江寧去積胥猾吏追勳賦累歲之逋糧減坊里額
外之徵派陞南京戶部主事轉刑部郎中爲同舍
所忌左遷鄜州同轉真定府判知汝州以親老取
道歸省

覃應元大同縣人嘉靖乙丑進士令歷城附郭多堯
堯汚萊賦逋不完應元募民給種墾數十百頃三
年陞南刑部主事歷戶兵署爲郎出守河南府以
課農桑興教化爲務驅左道之妖擒嵩山之礦盜
績尤足紀尋備兵延綏進苑馬卿會歲祲馬多斃

而貧卒力不償懼罪逃亡日衆部使者嚴捕追之而應元與使者意大左乃奏勒致仕應元喜曰活千百人命而失一官歸可矣爲人坦衷有度口不言人過失仕宦二十餘年卒之日惟有圖書而已王家屏山陰縣人朕有賢徵生負異資十三補諸生第隆慶戊辰進士 廷試擬第二 穆皇帝移置二甲選庶吉士萬曆克日講官聲音洪亮上謂左右曰王講官經術宏深目無睨視端人也御題責難陳善四字以賜講筵十六年而升揆席焉與王太倉錫爵同麻而拜數請册立不報決然以去就諍之上知至誠雖未即從請而儲定屏力也至辛丑册立 上遣行人持羊酒銀幣存問凡去國七年而儲立立儲二年而屏病篤寢語猶背公家事計問卹與有加贈少保謚文端以講筵時

上稱端人也先是江陵相病廷臣咸走各祠廟禱屏不往江陵敗則獨營救請薄籍其家以存輔導功散視江陵家所問遺書無屏隻字關中悍帥某朝議欲罷而恐其跋扈不受命屏使人諭之輒解組去曾少卿乾亨議汰武弁其兄工部尚書入朝衆弁隨而譟呼窘之屏聞趨遣人諭曰天下有叛軍寧

有叛官耶詰王者名寘之法事遂定其嚴正如此
李植大同人萬曆丁丑進士選臺中特劾巨璫馮保
中外爲危植侃如也見知 神廟詔立坊曰盡忠
言事擢遼東巡撫疏言陵 寢鑿脉當事大懼致
植回籍弟杜丙成進士官禮部郎中品望亦足重
王從義大同人萬曆丁未進士初授行人擢河南左
轄澤敷中土陞山東巡撫值白蓮騷動義弭制多
方殲渠魁而安善良于今民頌功德焉

馬呈德大同人學淵行醇中年舉萬曆庚子解元制
舉志彌篤至庚戌登進士授中書醇篤方正不改
所學弟呈秀同舉鄉魁甲辰登進士累官藩臬昆
王以品行重鄉評不獨菽壇之卓冠云

霍鏃馬邑人博學高才以名夙登萬曆丙辰進士始
鄉言動不苟恂恂有度履官清正可法仕至北直
學院文體一以成弘爲式所拔一時知名士畿輔
咸稱得人後擢卿貳清操徹底

國朝

魏象樞蔚州人順治丙戌進士初選翰林院考擢刑
科給事中望重瑣闥多所建白八年奉

詔西出奏 恩赦遲滯一疏甚爲剴切著書多種有

諫垣奏草及秋笈瀛州詩藁斯其一代之偉業駸駸乎不愧往哲矣

文學

青嶺睢瀾山川載色霏奕雲英搗華茹實武庫森森文旌孑孑金簡石渠中原頽頽志文學

漢

范升字辯卿代郡人少孤依外家居九歲通論語孝經及長習梁丘易老子五十言教授後生建武二年光武徵拜議郎遷博士升欲乘織引用同儕使帝益敦儒術以興文治乃上疏讓曰臣與故博士梁恭山陽太守呂羗俱修梁丘易二臣並耆艾經學精深臣遠不逮今臣幸蒙恩而二臣皆家食深知其學蔽不以達慚負二老何顏於世願推博士以避恭羗帝不許由是益重之數召引見每有大議輒見訪問後還鄉里

南北朝

許謙字元遜代人少有文才善天文圖讖之學建國時將家歸附昭成嘉之擢爲代王郎中令兼掌文記與燕鳳俱授敵明帝經

金

劉撟渾源人天會二年狀元官至石州刺史自號南山翁其所著詩賦篇什甚衆藻麗爲時楷模子汲亦舉進士爲翰林供奉自號西巖老人有文集曾孫從益亦舉進士爲監察御史作蓬門集從益二子祁郁並有文名祁作歸潛集以紀金事一門四世進士凡八人而撟汲從益祁四人有文集傳亦一時之盛也常求書入桂堂於趙閑閑曰君家家學乃爾豈止八桂爲書叢桂窟歸之

曹之謙應州人興定進士文明著于金元間寓居平陽三十載講明道學爲斯文式遠近多從之游所著有兌齋文集行於世

元

魏初璠從孫以爲後好讀書爲文學而有法中統間拜國子監編修擢監察御史疏時政帝欣納之官至南臺御史中丞子必復集賢侍講學士

吳明志大同人號樂齋累官國子助教文學重於一時嘗釀定本萬言策行於世

趙璧懷仁人博學世祖召見呼秀才而不名寵遇無比命習國語譯大學衍義時聽陳說辭旨明貫憲宗朝累官河南經畧事中統間拜平章政事

明

郭紀大同縣人有雋才常曰學士當網羅千古言成一家以垂於世詎徒沾沾爲經生乎鄉試中第一景泰初成進士選監察御史累官江西左布政院第後益肆力於古文辭能詩彈琴工書法號雲中三絕有聽鶴軒詩集易解撮要傳於世云

武文馬邑人正德戊辰進士博學能文燕邸所交多名士每自砥礪以力崇斯道一時四方能文之士亦往往左袒文任文仕韓城縣令旌德雖無顯仕而綽有高操教授生徒五經具備邑志蓋其屬藎

尹耕蔚州人博聞廣識悉力追古能爲魏晉文章第嘉靖壬辰進士累官按察司僉事自以文辭彪炳一時而才諳文復雄偉稍枿鑿于世卽拂衣歸以文自娛因以雲中爲域內重地故實不昭遂摶撫虞夏訖于今茲一方之已事爲宜大三關志行于世又有朔野文集六册知州來臨表焉

論曰磊砢干霄之質類生竒崖峽岨正不必川原之多媚也塞上土厚水深得天地剛方之氣邵故大節敦誼事業文章直質瓌瑋其巨者臚列史乘炳烺寰區卽至一介之士半通之綸韎韞征成之

倚俱有不可磨滅氣槩古稱燕趙多倜儻非常之
品風氣信不可誣也

雲中郡誌卷之十一

大同府知府胡文燁

纂修

同知張國宗

通判陳禹謨

通判謝祖悌

推官劉宏譽

應州知州岑紹祖

渾源州知州郎永清

蔚州知州

朔州知州胡養忠

大同縣知縣王 度

懷仁縣知縣劉三章

山陰縣知縣趙民善

馬邑縣知縣徐明弼

靈丘縣知縣羅 森

廣靈縣知縣范發愚

廣昌縣知縣卞為麒 校閱

舉 人丁大年

貢 生徐化溥

廩 生張元勳

李可大回校

人物誌

貞節

剛柔之義夫婦之道易有從終禮無二醮烈燹幽

蘭秉彛是好表而出之允彰風教志貞節

周

代王夫人趙簡子女襄子姊也襄子貪代地乃為奸

召代王飲於句注而使宰人以銅斗柄擊殺代王

襄因取代地迎其姊歸趙夫人曰吾受先君之命

嬪代王今十餘年主君殘之代亡吾奚歸迎我何

之以弟慢夫非義也以夫怨弟非仁也遂登山望
其夫泣而呼天磨笄自殺代人憐之因名其山曰
磨笄山

宋

班氏大同人元堅童妻堅童死班氏不忍獨生願從
夫於地下遂不食累日死事聞特詔表揚

元

田氏渾源知州劉仲亨妻生子名彬未七歲而仲亨
卒於官田氏年二十餘哭泣喪側不勝痛遂自經
死事聞旌表其門

華氏大同人張思孝妻元季爲額高兵所執以不受
辱見殺其婦劉氏同被執乃僵壓姑尸大罵不已
兵併殺之兵去家人收其尸婦姑之手猶相持不
捨

馮氏名淑安字靜君山陰縣尹山東李如忠繼室也
如忠初娶蒙古氏生子任數歲而氏卒乃續馮大
德五年如忠病篤馮氏引刀斷髮誓不再適如忠
歿兩月遺腹生一子名伏李族及蒙古之族聞如
忠沒有遺財相率來山陰馮氏方病乘間盡取其
貲及子任以去馮氏惟守如忠蒙古氏之柩而已

悲動四隣久之鬻衣權厝二柩於山下携其子廬墓側時年始二十羸形苦節父母來視欲使更適馮抓面流血不從居二十年始護喪歸葬汝上齊魯之人聞之流涕

劉氏朔州人賈賢妻賢卒時劉年二十餘二字長福義始六歲次福禮尚在乳哺劉服喪撫孤誓不二天惟事女工以營祭養乳居十五餘年至正間表揚洪武初其子福義以母節狀聞詔旌

明

張氏大同前後所百戶曾廣妻永樂二十年廣守鴉兒崖陷入兵中張氏時年二十有娠生男與十五襲父職娶方氏正統十四年與從征陣亡方氏年二十無嗣守節同姑後張氏年七十六方氏年五十一鄉人謂之一門雙節

張氏潞城安簡王侍婢識文字弘治三年王薨以死自誓妃與諸姬慰諭之張曰吾雖婢事王多年矣寧忍王死而獨生乎自雉經於閣中一府咸高其義歲時祀之

趙氏大同前衛指揮葉盛妻鎮守椿之繼母也年二十餘盛死誓不再適待椿兄弟如已出舍哺美諸

孫服飾不修慘淡終身無事未嘗出寢戶
孀居四十餘年

楊氏大同左衛指揮使范安妾宣德中安戰歿楊欲
自經以殉家人知而止之楊曰吾欲從一而終爾
留之何爲竟死事聞表其烈行誥贈淑人

馬氏大同人劉曇妻年二十四而寡撫幼子事舅姑
以慈孝聞貞固之操彌老益著宣德間旌

吳氏大同人王玘妻玘卒年二十六奉養舅姑無違
禮教育遺孤安中永樂庚子鄉試任順天房山縣
知縣吳氏守節六十餘年子貴而卒正統間旌

李氏朔州衛軍王幹妻正統年幹征亡李氏聞之號
哭生一女方九歲以夫所遺金百兩托其侄王敬
撫養遂自縊夫靈几前吊者莫不驚歎有司以請
旌

焦氏大同人齊景才妻年二十四夫亡子幼守節不
渝成化六年旌

張氏大同後衛軍諸葛仁妻適仁四年而仁病張晝
夜衣不解帶以侍湯藥仁卒張哀慟絕而甦者五
親戚力勸而張愈哀不飲食數日而卒年二十五
與同殯其家三世孀居有世節堂存焉

黃氏大同人衛軍仲海妻家貧事舅姑以孝年三十
餘生三子夫亡操井臼攻針指養老撫幼俱得其
所訓誨其子皆有操行長子能承後有智謀以功
陞指揮

王氏大同前衛人高清妻少亡其夫姑目病久失明
王以舌舐之其目復明舅姑卒晝夜號泣形貌銷
毀聞者悲愴士夫相與爲孝德傳詩辭贊美之

劉氏大同縣人張亨妻年二十舉二子而夫亡劉棄
姑撫孤辛苦萬狀子長皆成立年五十八卒

張氏大同前衛人喬恒妻年二十三亡其夫誓不二
適孝舅姑遺孤四皆撫之有成年六十三卒

董氏大同前衛指揮林勝妻年二十七夫亡事姑以
孝稱教育二孤長杲蚤卒次彪襲職董守節三十
餘年志節無玷

王氏蔚州人少歸舍人鄒清年二十而清亡欲以死
殉舅姑力勸王感悟遂矢志守喪服編食蔬者五
十餘年老幼賴之得所正德初旌

高氏蔚州人年十六歸指揮王愷隨主帥禦敵被創
而死高聞泣奔陣所求尸歸如禮歛葬時高年甫
二十餘或勸改從高大呼曰我國家命婦忠臣妻

若何爲此言孀居四十餘年正德辛未旌
張氏蔚州人生有異質兼備德容年十八適旗校嚴
通通卒毀容婺慶者四十年正德辛未旌

劉氏蔚州人年十六歸于戶韓清清病死遺子二長
楊五歲次桐兩月餘劉撫育二孤矢死不易曆五
十年辛苦備嘗鄉人嘆服撫臣恤以粟帛奏請旌

康氏蔚州人姿容莊麗志尚清謹年十七歸舍人奚
端端卒康甫二十二歲子寬甫三週康謝羅穀鬻
簪珥以撫孤寬長成立康閨闈內四十餘年凜凜
冰霜也

劉氏廣昌人年十七歸于戶仲儒儒疾劉躬湯藥百
晝夜比卒劉甫二十五歲求死以殉所親防視不
遂一日給所親市瓜所親信之市瓜至則劉已縊
死儒柩前矣有司奏旌

常氏大同縣人生員傅江妻江卒常年二十七有遺
在腹乃強食飲百日而生子名錦育孤以存江後
孀居三十四年卒

劉氏知縣張伯達繼室弘治甲子伯達卒於官劉年
二十七遺子鶴鵬甫二三歲扶柩歸葬遂不出戶
庭其貧矢節與側室姚氏茹菡自守及鳳輩皆成

立鶴中式嘉靖乙酉孀居三十年壽五十六卒

郝氏儀衛總旗武通妻行年二十一而通亡粥粥一

孤郝撫之曰吾所以不死為此耳孀居六十年壽

八十一終嘉靖七年旌

衛氏大同人舍餘李添福妻年二十四而亡其夫生

二子長安方六歲次寧尚襁褓父母憐其少徐諷

其改適衛嚴拒之隆慶二年按臣奏旌後安以文

學參贊制府機務給冠帶寧以定款積功至洮岷

副總兵餘孫皆以武功授指揮懷信官至都督節

贈添福都指揮同知衛氏太夫人孀居六十六年

壽九十卒

董氏朔州人指揮僉事方諒妻年二十八而諒卒無

子誓不改適以奉舅姑已而舅姑相繼亡鬻奩具

營葬敬其庶姑林氏如其姑三十餘年成化十年

有司旌

董氏朔州人武敏妻年二十五而亡其夫貧甚有老

姑諸孤呱呱在抱乃勤紡績以資仰俯諸孤皆有

成立仲傑仕至秦府長史守志四十餘年成化十

年有司奏旌

韓氏懷仁人劉真妻真亡韓年二十五家貧力女立

以育幼子景秋守節三十餘年成化七年旌

田氏懷仁人李鑑妻鑑亡田年二十七守節茹荼自勵以育子夔成化十年旌

李氏渾源人王士能妻生子瑞未歲夫沒不食三日死而復甦嬪葬如禮值年饑乃採蒿實和米麩上奉舅姑下撫幼子俱保全之有司旌年八十四卒
孫氏渾源人張謙妻謙卒悲慟屢絕一孤未週歲人以撫孤寬之乃強食飲年方二十二及弘治三年孫已六十有二有司奏旌

錢氏朔州衛千戶應襲董儀妻儀病死遺孤在襁褓中錢時年二十哀痛自經姑覺救免自是養老撫幼舅姑相繼沒以禮殯葬甘貧守節逮姑成立錢年五十有五弘治五年旌

李氏陽和人曹宣妻生子甫三歲夫亡遂斷髮自誓攻苦遂志雖遭艱險冰霜愈厲年八十四而卒子雄亦成立布政白行順爲之撰記

趙氏朔州人李通妻正統間夫亡趙年十八懷孕累欲自盡姑曰爾幸有身如生男爾夫有後雖死不
死已女也當聽遂爾志生果男名繁忍死撫育舅
姑沒葬各如禮孀居四十餘年成化二十三年有

司奏聞詔旌

師氏朔州衛人郝讓妻年二十而讓亡無子晝夜悲號出奩貲營殯事殯畢一夕跪哭於殯前遂自經死老少聞之無不流涕

楊氏朔州人郝紀妻紀舉於鄉未幾而病楊默禱願以身代紀竟卒楊年二十餘耳每謂所親曰計惟自經方盡吾事柰堂上二老何孝事舅姑數年相繼沒以禮葬祭孀居三十五年足不出門戶正德四年旌

蔚氏朔州人牛茂妻年二十餘夫卒遺子玠在襁褓撫育成立守節五十餘年始終如一

丁氏朔州人周廣妻年二十餘夫亡遺子三人丁遇之嚴稍長就外傳日暮必自課其業長宗以國子生任陝西吳堡縣知縣次子俱有成立編素五十餘年節高而才充足稱

韓氏馬邑所舍人張祥妻年二十九祥卒守志四十五年卒鄉人以節稱

蔡氏左衛人劉壘妻哀痛七日不飲食求死不得越數日縊於室

范氏左衛人祁信妻夫蚤逝孀居事姑以孝稱撫幼

成立年八十卒有貞節堂詩文存焉

畢氏左指揮李英妻年二十六而英亡守節四十年無事不踰中門御史陳天祥爲之奏旌

黃氏陽和衛舍人丁淮妻年甫二十三夫死守志三十八年壽六十一終

王氏右衛舍人歐英妻幼而淑靜年十九而英亡欲自殺以殉家人守之不得間一日乃閉戶托言洗沐遂自經死都御史李敏爲之奏聞有日月爭光山川出色之句

李氏靈丘人王彥卿妻夫沒李年二十七子甫五歲家貧其茹荼集蓼以守其志至弘治十六年有司奏旌

劉氏靈丘人張文德妻文德沒劉二十五有一歲子立志撫育以存夫後清白無玷弘治十六年本縣里老聞於朝詔旌

羅氏安東衛施達妻其夫從軍戰死羅年二十七痛夫死非命勢不再適守節三十八年

楊氏應州人李榮妻年二十一而亡其夫一子方七月誓不再適撫孤成立守節五十餘年而卒

宋氏大同人都督同知林椿妻嘉靖庚戌椿戰沒宋

年二十五聞變晝夜號泣事姑卒捐簪珥以營祭
葬督課二子克繼先人之業萬曆甲戌按臣奏旌
子長鳳舉寧夏叅將次鳳騰朔州守備夫忠婦節
相輝映焉

李氏大同人高伯枝妻年二十六而夫亡無遺子李
撫侄高致為子以奉蒸嘗教以詩書食餼邑庠孀
居六十餘載有司旌

李氏後衛指揮陳棟妻棟卒李年二十九生子鳴鳳
未一歲家貧養殮不給或勸其嫁李曰強生為此
呱呱耳艱苦備嘗竟成痼疾鳴鳳長襲職仕至遊
擊將軍萬曆三十年旌

劉氏總旗武彥爵妻艾年亡其夫勵志育孤卒有成
立孫登仕籍年九十四卒萬曆己亥旌

梁氏大同縣人丁淮妻淮卒梁年甫二十四家貧苦
節自守撫孤世臣等成立米操膳然卒年七十三
有司旌

王氏大同人監生李禎妻禎亡王年二十五止一女
呱呱襁中母家亦止一寡母幼侄家計甚窘形影
相吊也王矢志自守女長為之有家乃迎母徑事
育之母卒以禮葬為侄娶婦以繼李後

王氏歸城府輔國將軍俊柎繼室柎好施祿入常不
贍王恒佐之柎以嘉靖三十六年大疫故王年二
十餘欲死以殉所親守之不得死柎俸以死停而
家無長物會年荒王力女工以襄殯事教孤克燿
成立以孝聞而王邁疾卒萬曆辛丑按臣奏聞詔
贈夫人樹棹旌

靳氏天城衛雷世雄妻年二十五而夫亡生子宸六
歲矣每欲自盡念孤輒止家貧無以聊生賴母舅
時賙卹之母子無常飽也勤女工以教子辛苦堅
貞三十餘年按臣旌

郭氏後備千戶鄒圃妻圃任懷安守備卒於官郭年
方二十六子尚信生未周郭扶柩歸葬忍死存孤
備嘗艱阻有老姑事竭其孝郭苦節四十餘年御
史臺旌

周氏前衛應襲溫習詩妻夫暴疾卒周年甫二十遺
孤在襁褓中以節自誓家計窘而苦節愈勵二孤
壯長綽授百戶坎紳授鎮撫萬曆二十五年有司
旌

趙氏馬邑所陳廷賢妻年二十四而賢亡一子三歲
強活撫孤家貧力女工以自給手常爲龜萬曆三

十四年詔旌

王氏大同人年十六歸李懷安伉儷七年而孀屢勸絕而甦不食飲累日復自經家人救急得免已而衰殯事家貧工苦里中盡憐之萬曆三十五年詔旌

楊氏後衛餘丁杜寶妻年二十七舉三子卒環堵蕭然竭力以殯撫三子皆成立諸孫遠膝衆和而鬻不折凡四十五年享年七十二而終

杜氏大同人永平同知任服休繼室杜年二十四而休卒於官旅櫬歸宦貲僅供喪葬耳子櫓方四歲安貧守節櫓就外傳習之惟勤廩於庠守志四十年壽六十餘

張氏大同人年十九歸輔國將軍克剌逾年而剌卒張欲經死家人勸之曰孤在張意少回育孤而長之苦節四十年萬曆丁未詔旌

朱氏大同人石自祿妻奉國將軍克瓘女封鶴鳴鄉君鄉君年二十三而自祿亡無所遺乃育其侄以爲後孝奉舅姑慈孚繼子苦節二十七年按臣旌朱氏舍人何養節妻奉國中尉俊築女年二十二而養節亡撫子職教誨卒有成立人羨其操按臣旌

朱氏生員顧茂林妻博野府宗女夫沒朱年二十歲
誓死不二閨闈獨處三十餘年按臣旌

明氏大同縣人董天緒妻二十四而亡其夫遺一女
自毀其容以守志慘淡悲辛五十年如一日人服
其節

朱氏大同府學生員任重妻潞城府鎮國中尉克燦
女年二十一而夫亡遺腹五月生子體先奉姑以
孝子孤壯補諸生苦節三十年里人稱之

孫氏懷仁縣人馬昇雲妻昇雲以試有司不錄忿而
自經孫痛悼不欲獨生絕粒旬日死有司旌

楊氏懷仁縣生員任祐妻祐與友人戲誤被傷而死
遺一子在抱楊理于有司得直遂沐浴更衣七日
不食而卒

邊氏懷仁縣人苑洪妻年二十餘而洪喪食貧育孤
先是洪亦孤子其母鞠之成人嘉靖間有司旌之
云姑婦雙節

苑氏懷仁縣人郭天瑞妻歸瑞未兩歲年十九而夫
亡產一子九月矣備嘗艱辛守子成立孀居六十
年

王氏懷仁縣監生鄧鐘妻爲邑富室女年二十餘而

孀年容俱盛遂捐其嫁時裝終身編素撫一孤有成勁節四十餘年

徐氏應州安東衛施海妻海天徐年二十三遺腹三月期而生子名玉珪撫育成立孝養公姑非祭掃不戶孀居四十九年壽七十二成化十九年詔旌云節孝兼全

劉氏應州人賈雲衝妻年二十五而孀苦志撫孤補州弟子員幽壺獨居五十五年萬曆丙午按臣旌賀氏山陰縣人張天叙妻有女年十五戎騎入母子俱被掠女有姿賀慮其見辱潛取刀與女自殺戎騎相視錯愕稍稍縱賀其他自營得脫回者咸傳其事而異之

郭氏山陰縣士人女及笄而歸王謀嘉靖二十六年戎騎入郭與村婦俱走南山匿避立崖上未幾戎騎驅之下衆從之郭曰吾良家子豈爲所辱乃舉袂自障其面投崖而死

周氏山陰縣人年十六而歸米禎歸二年而禎亡及期產子名獻可時周年十九美而艾里中人欲得之慟哭自毀其容自是人莫敢議秉節四十餘年萬曆二年詔旌

郭氏山陰人宦家女及笄歸于戶陳上策上策爲陽
和木場把總以家從十餘年不得調貧窘郭脫簪
珥以佐急較米鹽課子女蒸蒸足述子忠甫弱冠
中式武舉俄策中痰暴卒郭哀慟絕粒三日斂畢
從容自經於柩側窆喪無以歸事聞三院給夫役
踏資得丘首山陰也奏聞旌

王氏山陰人生員李木妻木中痠病故王年十九誓
死不易窮且益堅孀帷三十餘年詔旌

張氏陸氏馬邑人姑婦也張父縣丞幼有志操笄而
于歸庠生元天瑞瑞喪張年未三十誓不再醮後
一十餘年而有陸氏之節陸知縣陸宗女也宗素
與天瑞友善憐其孤元勲以女妻之已而勲亦天
陸矢志無他節如其姑

王氏蔚州人梁洪妻年十九而其夫遺腹七月已而
生子世遷事公姑以孝撫遺腹以慈如是六十餘
年壽八十五而終

李氏蔚州人生員劉好學妻于歸未幾而寡年甫十
六產子栢方彌月守志鞠孤五十年壽六十六萬
曆三十四年詔旌

李氏蔚州人監生王憲妻憲亡李年二十一遺二孤

俱幼倚氏成立孀居四十餘年萬曆三十五年詔旌

楊氏蔚州人生員郝本妻二十四歲夫亡遺四幼孤事姑舅以孝聞教四子皆成立秉節四十餘年卒魏氏蔚州衛舍人葛登林妻年二十八而亡其夫遺子禎七歲守節五十餘年壽八十三

李氏葛禎妻禎即魏氏所育七歲孤也亦早亡李年二十六遺子騰甫四歲撫而成之壽七十八

馬氏葛騰妻騰即李氏所育四歲孤也亦夭馬年二十四遺孤二長三歲次未周守節三十四年五十八卒葛氏三世夭而三婦皆以節稱

柳氏蔚州人王福海妻年二十七夫亡遺二歲矢志守節以迄耄老

梁氏廣靈人劉大海妻年二十八夫亡遺子儒守志非祭掃足不踰戶閭儒長成立萬曆中有司以聞旌

趙氏廣靈人太學生譚繼龍妻年二十四夫亡子香未離襁褓趙躬自保護有加後香年三十而趙保愛之猶篤萬曆十一年有司旌

王氏廣靈董繼妻年二十九夫亡守節撫孫享年八

十六而卒

郭氏廣靈任朝陽妻朝陽病死郭年二十餘有遺腹男而姑溺愛其次子欲併其產每勒郭嫁至毀容以自志而不置也高狀郭事姑愈謹卒得母子相保後遺腹子年幾七十而郭方卒壽近期願焉

戴氏廣昌縣鄒天福妻年二十七夫亡遺孤甫三歲以節自矢四十餘年

彭氏廣昌人張廷諫妻于歸歲餘而夫亡有遺腹彭年方十六晝夜悲號慘動四隣踰五月孤生意乃稍解守志不移

郭氏廣昌人吳安妻安以吏爲北京倉官病死郭告給關文抵家殯殮畢即於夫柩前自經死遠近聞而悲之

仲氏廣昌縣廩生董守德妻夫亡仲年二十五遺孤二歲育之壯遭虜害遺一孫六歲仲又鞠而長之值歲歉家貧腹不充無愁歎聲年八十鄉人無不憫之

高氏廣昌縣人劉演妻演夭高年未二十矢志靡他壽六十一

王氏靈丘人劉綸妻年二十七而夫亡遺孤三且公

姑老矣窮約自守攻苦以供菽水督諸孤勉學不怠長敏學次敏政俱發聲庠序年幾六十

趙氏靈丘人李林鳳妻年二十九夫亡立志不二苦節三十九年

曲秋葉兒靈丘人年十七父曲大保家貧携女出奔五臺縣民安崇德家寄居葉兒雖窶家頗姣好崇德侮其貧又孤踪一日崇德矚其父大保出謀強姦之葉兒覺義不受辱遂自經死事聞三院論崇德如律秋葉之節詔旌

龐氏平魯衛官舍張斌妻年二十而于歸張數年斌喪遺三歲孤龐守節撫孤有成年踰六十

李氏平魯衛官舍于嵩妻生十九年而歸嵩舉一子方五月而嵩亡既襄大事足不踰戶闔也抱一幼孤以奉老姑姑亦早孀乳哺相依婦姑後俱高年仇氏平魯衛生員李紹忠妻婉婉有淑德家貧竭力以供公姑菽水萬曆八年忠染病卒仇不食三日遂自經于柩側

溫氏平魯衛軍高通妻夫死溫年三十子女各幼通既葬家貧依其兄嫂居兄嫂迫之嫁溫泣自明其志迫之再三溫曰吾死決矣指子女曰吾躬不容

遑卹吾後先經其子若女亦自經死叔父溫廷官
悲之自扞官論兄嫂如法而明溫節旌之

郭氏襄垣府輔國將軍成鑣妻笄而于歸夫死郭年
甫二十餘孤聰落聰瀟訓誨砥礪落瀟性亦至孝
克自勵以養志工經篆得鍾期之巧孀居五十餘
年奏聞扞朝褒封夫人

穆氏應州人生員霍希陶妻偶陶未久而陶病卒穆
年十九遺一子野始孩野長好讀書食阮州庠穆
年六十九萬曆三十六年詔旌

李氏大同人河間府副將沈繼先妻淑人所出三子
鎮銳銘繼先征調積瘁病殞遺氏二十七歲撫育
三子竭力女工糊渡親族屢勸他適正色拒之後
鎮長成承襲補守備職勤王死事其銳銘俱以醇
謹成家奉氏終天里人稱之兩學公舉節婦焉

張氏大同縣人韓梁妻造粟三年而寡年未三十家
貧無以自給茹荼勤女工百折維艱守節二十三
年撫子萬賢暨弟俱成立以壽終鄉人賢之

任氏陽和人生員吳獻忠妻年十九而獻忠以暴疾
卒任慟絕復甦舅且垂年七十善事終天所生遺
腹子之璧撫育至成恂恂補庠生家業竟無失墜

遠近稱完節焉

孟氏朔州馬呈池妻夫亡年二十家貧甚隆冬凍膝成瘡事姑闈至孝姑病衣不解帶者三年教二子攻制舉業長東伯名士仲東陽戊子舉于鄉苦節四十餘年崇禎十五年 詔旌事詳貞節傳論曰婦德徵于柔靜立節秉于貞烈今夫閨中之秀閭閻匹婦非盡有傳姆之訓誨道義之涵育也然而或捐生不顧或矢志不移標芳彤管流聲竹素豈非專一之擦根于天性然哉列之簡編其裨益綱常風教匪淺云

雲中郡誌卷之十二

大同府知府胡文燁

纂修

同知張國宗

通判陳禹謨

通判謝祖悌

推官劉宏譽

應州知州岑紹祖

渾源州知州郎永清

蔚州知州

朔州知州胡養忠

大同縣知縣王度

懷仁縣知縣劉三章

山陰縣知縣趙民善

馬邑縣知縣徐明弼

靈丘縣知縣羅森

廣靈縣知縣范發愚

廣昌縣知縣卞為麒 校閱

舉 人丁大年

貢 生徐化溥

廩 生張元勳

李可大同校

外志

流寓

垂翼發羽原非瑣瑣知我者希所貴在我白貢鴻
儀焉往不可君子得輿坦坦出坳志流寓

金

劉勳先世洛陽人祖父遷居雲中勳與弟譙皆有文
聲尤精於詩往往為人所傳本中原衣冠之族為
人風流蘊籍

元

歸陽汴梁人至順初進士累官集賢學士兼國子祭酒曾陷於賊不屈時人爲之言曰歸陽出角致仕僑居弘州徙蔚州又徙宣德皆間關避兵後居夏縣卒所著有鷄肋集

明

沈良浙江仁和人刑部主事洪武三十二年謫戍大同應州專經春秋受徒傳經若尚書石瑁輩皆出其門

盛春浙江海鹽人監察御史洪武三十一年謫戍大同應州子孫皆以儒業世其家孫桓府學生

李立江西南豐人廣西副使正統二年謫戍威遠衛景泰初蒙宥回

吳昉浙江金華人吏部文選司主事正統五年謫戍威遠衛遂于經學士多從游景泰初蒙宥回

李左修江西吉水人福建僉事正統六年謫戍威遠衛以經學淑人都御史孫祥布政使郭紀皆受業其門

黃瓚江西吉水人翰林院庶吉士除刑部主事正統五年謫戍威遠衛景泰初蒙宥回

夏瑜直隸蘇州人吏部考功司員外郎正統六年謫

成威遠衛以易學授徒自給景泰初蒙宥回

仰瞻直隸蘇州人大理寺寺丞正統六年謫成威遠

衛授徒傳業兼以醫術濟人景泰初蒙宥回

王彰廣東潮陽人刑部主事正統七年謫成威遠衛

以春秋授徒大同士之習春秋自彰始盛

包德懷浙江金華人刑部左侍郎正統七年謫成威

遠衛景泰初恩原以原官復任

潘洪四川人監察御史正統七年謫成威遠衛博學

善誨人一時人士多從之游景泰蒙宥回

汪賓浙江衢州人進士國子監丞正統八年謫成威

遠授徒多科目仕宦人士德之景泰初蒙宥回

高瑛臨海縣人正統間隨父謫成大同卽應山西誠

舉正統甲子科丙辰成進士除南京刑部主事累

官四川按察使致仕

王理江西安福人刑科給事中正統十一年謫成太

同景泰初恩原復職陞四川布政司叅議致仕

盧璣浙江松陽人進士成化八年謫成威遠衛遂於

理學士多從之肄業嘗著通鑑外紀辨正河圖術

義洪範集解若干篇

尚冕湖廣棗陽縣人刑部郎中成化九年謫成威遠

陳言直隸長洲縣人刑部主事謫戍威遠尋復職
彭澤南海人太常寺卿嘉靖十年謫戍平遠尋起用
累官兵部侍郎

曹邦輔山東定陶人順天巡撫嘉靖間謫戍朔州隆
慶初復以原官巡撫順天

傅好禮順天固安人進士太常寺少卿萬曆二十六
年謫廣昌典史卒于官

岳可延安人武進士武穆之後原以入衛遊擊後遂
閒駐陽和久而生計甚拙善琴奕工書翰文極藻
麗詩有唐人風致天啓間詣 闕上策得補萬全

正堂都司遂籍焉三子其季乃中鄉試於宣府
秦世英陝西三原人進士蓬萊知縣崇禎年戍陽和
講學咏詩與諸士爲忘年交夷如也後以赦回籍
至今晚學思之

論曰羈旅人不幸之遭也而有以羈自見者才德
在躬如蘭于谷何地不芳焉錐處囊而末立見淑
人師世遐方賴之有道君子固未可以羈旅自廢
而所寓之方又得以羈旅視君子也

仙釋

道有可觀致遠恐泥杯渡鶴凌逞逞傳異靜可遠

年空能息智存而不論殊途一致志仙釋

元

張可曇大同人生於元世祖初年幼慕道遂棄家業
雲遊山水間俗莫之竒也後年幾百歲童顏不衰
過交城遂止於樓霞觀嘗曰清風常在伴明月幾
時休去去依然在呵呵一石頭人遂呼爲石頭道
人時值重陽對衆人曰明年此日我乃去與汝等
別矣至期果尸解時至正元年九月九日也

劉秉忠瑞州人祝髮寓雲中南堂寺

元世祖在潛

邨海雲禪師被召過雲中邀之同行入見大喜後

爲佐命元臣封國師太保

明

任崇大同縣人家世業醫至崇更精於診劑好神仙

術弘治元年年六十忽無疾而卒踰年鄉人陳守

至陳州見崇在市市施藥大驚把其臂曰公固無

恙耶崇咲曰然固未死也嘉靖壬辰大同令黃某

者其妻之父張於伏牛山遇一道人曰我大同任

崇也公今去視令婿黃公當於某日與小孫會幸

傳道之張果與某人會其孫述之言盡符萬曆二

年大同有張省祭抵湖廣艾御史家艾之家人經

武當山下見草庵中一道人清姿逸秀端坐如兀
曰爲我告張省祭到大同說與任榮家子孫云待
我宮殿完日當回看言畢忽不見凡三露其踪跡
云

辟書峯應州祖師院修道有法力再世生於乾州石氏
生時白光滿室六歲出家智慧異常聞西蜀如海
真公名往見之遂絕心跡透祖關不復粒食日採
松栢啖之真公曰昔吾師無用和尚云坐于常出
三虎一彪汝其處耶朔方其道大行遂行脚至雲
中先是禪師在定中見一山甚秀麗諸佛菩薩行

道其中有招禪師謂曰此五臺山秘魔巖也爾前
身修道其中既寤遂盡知生前事因遊五臺 元

順帝召至燕都慰勞甚至賜號寂照圓明大禪師

賜資無虛日 明太祖高皇帝於庚戌年召至南

京奏對稱 旨寵資優渥踰二年壬子夏五月七

日忽示微疾 上知之御製詩十二韻有玄關盡

悟已成正覺之言茶毘於聚寶山火滅獲五色舍

利齒舌數珠皆不壞弟子智壽等以庚申秋七月

立碑於應州崔家庄祖師塔院贊善宋濂銘

李溥光大同人幼出家爲僧號雪庵和尚喜讀書經

傳子史無所不窺善詩工書書法道勁有致一時
宮殿扁額皆出其手元至元間詔蓄髮授昭文館
大學士有雪庵集帖傳于世

覺同大同人姓康幼有慧性讀書過目不忘能文辭
尤工於臨池之術書善化寺讚數千言咸珍之爲
一時名翰時人讚之曰續佛慧命湛然清淨遐邇
聞聲詩禪草聖縉紳之士皆愛重之

正順蔚州人姓高生而穎悟一日誦華嚴經聞空中
語曰和春山水少會風雲豁然而悟於華嚴嶺募
建華嚴院遂演法講華嚴經忽謂衆曰吾化緣已
畢乃作偈曰歷劫本無去住應用何思何慮轉身
踏破虛空一切是非不顧偈畢而逝弟子燃其棺
雲中影現無二相茶毘後火消煙息骨色鮮明舍
利瑩然菩薩寺內有淨業碑銘存焉

連步雲陽和人工木工也有所事於村疇得異人授之
符呪旱即人所祈之禱雨耳着銅環袖袖胡桃搖動
應聲起霹靂沾足乃止後隆慶末年大澇兩月官
府令之祈晴雲曰祈晴再不能祈雨矣令家家門
首用白紙糊一鍋蓋懸之上書青天白日不三日
遂晴有病者乞符亦往往得愈萬曆時老人俱能

詳其事云

韓守陽相傳以爲陽和杏園村人形容粗俚亂言類
顛魔者每到酒家必乞飲人喜與之卽快利少吝
弗飲也與太師庄劉氏相狎習有賭而落魄者乞
憐于守陽陽令竊家中酒壺一夕化之成銀值大
雪夜卧雪中而鼾聲如雷達於遠邇人皆異之後
不知所往

論曰群石首肯於道生仙禽成翮於支遁自昔已
然則夫悟方外之旨超歷劫而遊無垠理固有之
無足異也佛言人事天地鬼神不如孝其二親抱
朴子曰求仙者以忠孝和順仁信爲本務民之義
此或其正論云

逆變

赫赫天命爰歸有德狡焉自斃鼠兪狗竊譬之野
燐旋星旋夢喚彼么麼徒勞鑿鑿志逆變

明

嘉靖元年七月軍糧適乏給散愆期軍士張得祥等
遂號召欲爲亂提督侍郎臧鳳捕繫首惡疏請置
之法 詔誅首惡張得祥等五人以徇次調極邊
哨守餘悉令調衆始安堵

嘉靖三年秋七月鎮兵郭鑑柳忠陳浩胡雄郭疤子
等因巡撫張文錦用法頗嚴卽夜聚衆舉火攻都
院門殺文錦劫庫出囚分黨守門間且求附于邊
外共推廢總兵山陰朱振爲主九月命都御史蔡
天祐爲巡撫桂勇爲總兵諭撫之郭鑑等狡猾煽
禍訛言屠城殺知縣王文昌勇與天祐以計款郭
鑑就食所斬之因誅首惡三十餘人餘黨又復譁
執勇欲刃之賴天祐扶病陳諭利害獲免有詔詔
勇赴京決議征剿以戶部侍郎胡瓚都督魯綱督
勦遼京營兵數萬討之駐陽和衆復推朱振爲主
以抗王師瓚綱庸懦畏縮上疏爲叛兵求貸請班
師回賊首徐氈郭雄輩又稍稍出頭蔡天祐嘗親
兵密補四十餘人斬之出示諭衆乃大定廢朱振
以李瑾爲總兵後至十二年天祐去劉源清爲總
督此時朱振尚徘徊鎮城李瑾操行清潔而法不
貸振又鼓動前漏誅王福勝等集衆燒總兵府瑾
率其弟珙持弓矢登門射之至黎明多所射傷衆
盡知不免解胄擲地曰我爲大將寧死賊手乎遂
自刎劫庫出鎧仗執巡撫潘倣盡捕誅素殺首惡
者隨以金帛女妓遺邊外庫藏已空遍括富家財

嘉靖三年秋七月鎮兵郭鑑柳忠陳浩胡雄郭疤子
等因巡撫張文錦用法頗嚴卽夜聚衆舉火攻都
院門殺文錦劫庫出囚分黨守門間且求附于邊
外共推廢總兵山陰朱振爲主九月命都御史蔡
天祐爲巡撫桂勇爲總兵諭撫之郭鑑等狡猾煽
禍訛言屠城殺知縣王文昌勇與天祐以計款郭
鑑就食所斬之因誅首惡三十餘人餘黨又復譁
執勇欲刃之賴天祐扶病陳諭利害獲免有詔詔
勇赴京決議征剿以戶部侍郎胡瓚都督魯綱督
勦遼京營兵數萬討之駐陽和衆復推朱振爲主
以抗王師瓚綱庸懦畏縮上疏爲叛兵求貸請班
師回賊首徐氈郭雄輩又稍稍出頭蔡天祐督親
兵密補四十餘人斬之出示諭衆乃大定廢朱振
以李瑾爲總兵後至十二年天祐去劉源清爲總
督此時朱振尚徘徊鎮城李瑾操行清潔而法不
貸振又鼓動前漏誅王福勝等集衆燒總兵府瑾
率其弟珙持弓矢登門射之至黎明多所射傷衆
盡知不免解冑擲地曰我爲大將寧死賊手乎遂
自刎劫庫出鎧仗執巡撫潘倣盡捕誅素殺首惡
者隨以金帛女妓遺邊外庫藏已空遍括富家財

物產遣外促兵復推朱振為主勢猖甚朝議詔總
督劉源清率總兵卞永討之駐兵聚落時邏騎獲
振于邊外求兵密狀源清佯言上疏請貸而召振
至幕府計事振至諾之不服乃出邏獲者証之振
始悚懼仰藥死于是吉囊青台吉等擁五萬騎羣
矣源清出兵聚落戰不利卻永歛兵自守而已中
外大震會有陝西援兵至有襲虛解圍之說吉囊
等解去賊勢孤矣維時有管儲郎中詹榮素出納
平允不爲賊忌密以機宜達于源清召遊擊戴庶
謀之庶曰必得馬昇方可昇乃爲叛兵主事者榮
卽召昇圖因督兵捕殺王福勝等三十餘人事寔

嘉靖二十四年宗人克灼克橫百端恐事發罹害乃
勾連邊外時翁萬達爲總督詹榮爲巡撫總兵某
周尚文也灼密議請兵三路已遣人于渾源山陰
平遠諸草場同日舉火矣先是翁總督知大同素
反側時來駐節安集之一日暮抵應州有書生叩
馬請聞曰大同宗人可慮也翁佯言曰狂妄語耳
卽回鎮城與巡撫詹榮總兵周尚文議計俱曰靜
定以計擒所慮者北走邊外云于是廣設邏騎常
賞外與百金先灼所遣衛奉等已見察罕兒令製

物產邊外促兵復推朱振爲主勢猖甚朝議詔總督劉源清率總兵卞永討之駐兵聚落時邏騎獲振于邊外求兵密狀源清佯言上疏請貸而召振至幕府計事振至諾之不服乃出邏獲者証之振始悚懼仰藥死于是吉囊青台吉等擁五萬騎至矣源清出兵聚落戰不利卞永歛兵自守而已中外大震會有陝西援兵至有襲虛解圍之說吉囊等解去賊勢孤矣維時有管儲卽中詹榮素出納平允不爲賊忌密以機宜達于源清召遊擊戴廉謀之廉曰必得馬昇方可昇乃爲叛兵主事者榮卽召昇圖因督兵捕殺王福勝等三十餘人事寔

嘉靖二十四年宗人克灼克橫百端恐事發罹害乃勾連邊外時翁萬達爲總督詹榮爲巡撫總兵某周尚文也灼密議請兵三路已遣人于渾源山陰平遠諸草場同日舉火矣先是翁總督知大同素反側時來駐節安集之一日暮抵應州有書生叩馬請聞曰大同宗人可慮也翁佯言曰狂妄語耳卽回鎮城與巡撫詹榮總兵周尚文議計俱曰靜定以計擒所慮者北走邊外云于是廣設邏騎常賞外與百金先灼所遣衛奉等已見察罕兒令製

旗北兵至城下揭旗爲信至是又遣奉等出口詐云總兵遣哨料出口者尚文所遣邏騎周現等訪至鎮河墩墩軍云有數人出去急追之至榆樹灣奉等尚未行果得其旗表諸物乃具奏灼等反形已具使其謀售禍且滔天不帝寘鑄于寧夏宸濠之于江西也詔械至京伏誅

蕭芹太同人初與王得道喬源丘富趙全等持白蓮教每闌出邊外爲奸丘富教部落火食屋居居之輒撼有聲意不敢居蕭芹等乃自築城池宮殿以處號爲版升是時馬市甫畢隨有戎騎犯左衛者

原芹等構之也侍郎史道密跡白蓮教諸妖張攀龍等五十餘人在中國與芹等相表裏者執之並執芹源等妻子俺荅頗利中國市物以芹等不靖漸惡之道會有旨命遍歷延寧經理市事遂以其事上聞請百方構取妖賊無使留止以爲後患咸寧仇鸞言當爲重賞格縛敵芹等者予百金因遣厮養時義往謁俺荅唱以利諷令執芹等爲信俺荅以爲然遂擒芹及王得道等三十餘人械至大同塞下納降而趙全丘富等先逃匿不獲八月乃詔以逆賊蕭芹等三十餘人俱磔于市傳首九邊

旗北兵至城下揭旗爲信至是又遣奉等出口詐云總兵遣哨料出口者尚文所遣邏騎周現等訪至鎮河墩墩軍云有數人出去急追之至榆樹灣奉等尚未行果得其旗表諸物乃具奏灼等反形已具使其謀售禍且滔天不帝賞鑄于寧夏宸濠之于江西也詔械至京伏誅

蕭芹大同人初與王得道喬源丘富趙全等持白蓮教每闌出邊外爲奸丘富教部落火食屋居居之輒撼有聲意不敢居蕭芹等乃自築城池宮殿以處號爲版升是時馬市甫畢隨有戎騎犯左衛者

原芹等構之也侍郎史道密跡白蓮教諸妖張攀龍等五十餘人在中國與芹等相表裏者執之並執芹源等妻子俺荅頗利中國市物以芹等不靖漸惡之道會有旨命遍歷延寧經理市事遂以其事上聞請百方構取妖賊無使留北以爲後患咸寧仇鸞言當爲重賞格縛敵芹等者予百金因遣厮養時義往謁俺荅唱以利諷令執芹等爲信俺荅以爲然遂擒芹及王得道等三十餘人械至大同塞下納降而趙全丘富等先逃匿不獲八月乃詔以逆賊蕭芹等三十餘人俱磔于市傳首九邊

示衆

國朝

崇禎十七年甲申春闖難陡發僞兵西來二月二十九日鎮城主將迎降在城留住六日殺明宗室殆盡三月初六日兵過陽和留住一宿東行鎮城所留僞總兵張天琳踴過天星者殺戮兇暴居民重足兩闕月而

國威東震陽和軍民約與鎮城軍民內應于是殺天琳及僞中軍張黑臉恢復大同時五月初十日也

順治五年戊子冬十二月初三日大同總兵姜瓖素

懷反側因都門有發兵徵糧之檄伺巡撫道部府縣出東門外看糧遂閉門抗命偏西一帶大爲煽惑便已飛檄安官朔渾左衛許堡等處俱應

王師雲集環濠築塹務爲持久計大同未破而渾朔左許已先破矣僞副將姜建勳者從左衛奔竄鴈門騷動汾潞盤據大同久圍瓖在城中搜糧肆害疑忌士民漸不可支至明年己丑秋八月乃開門獻首計凡九闕月大難砥平本年十月暫移府治于陽和 至順治八年十月 督按合疏請復

論曰三畧云逆者亂之招順者治之要而大易又

示衆

國朝

崇禎十七年甲申春闖難陡發僞兵西來二月二十九日鎮城主將迎降在城留住六日殺明宗室殆盡三月初六日兵過陽和留住一宿東行鎮城所留僞總兵張天琳踴過天星者殺戮克暴居民重足兩閱月而

國威東震陽和軍民約與鎮城軍民內應于是殺天琳及僞中軍張黑臉恢復大同時五月初十日也

順治五年戊子冬十二月初三日大同總兵姜瓖素

懷反側因都門有發兵徵糧之檄伺巡撫道部府縣出東門外看糧遂閉門抗命偏西一帶大爲煽惑便已飛檄安官朔渾左衛許堡等處俱應

王師雲集環濠築壘務爲持久計大同未破而渾朔左許已先破矣僞副將姜建勳者從左衛奔竄鴈門騷動汾潞盤據大同久圍瓖在城中搜糧肆害疑忌士民漸不可支至明年己丑秋八月乃開門獻首計凡九閱月大難砥平本年十月暫移府治于陽和 至順治八年十月 督按合疏請復

論曰三畧云逆者亂之招順者治之要而大易又

以澤上于地爲萃先王以除戎器戒不虞其防微
杜漸詳哉言之矣大抵鼎革大事昊天有成命而
小釁匪茹動謀妄舉班彪所謂卒以潤鑊者非虛
語也有國家者防範周而隱禍消斯其爲至計矣
災祥

水何以闕石何以言倡和異應理數云然芝房寶
鼎何如有年炯炯麟經萬禩永傳志災祥

戰國

△幽繆王五年代地震圻數里之內屋壞者大半圻東
西百三十步△六年大饑民譌言曰趙爲號秦爲
哭以爲不信視地之生毛

漢武帝黃龍二年客星見昂分居卷百東五尺許青
色長三寸

晉

△武帝咸寧二年六月白龍二見新興井中△五年閏
七月新興雨雹△太康六年新興山崩水湧出

惠帝元康五年九月新興大風傷稼△永寧元年七
月新興蟲食禾十傷五六△義熙五年三月恒山
崩十四年流星出昂大如拳歷天津分爲三頭
更有聲△恭帝元熙元年二月地震△三月獲白

以澤上于地爲萃先王以除戎器戒不虞其防微
杜漸詳哉言之矣大抵鼎革大事昊天有成命而
小釁匪茹動謀妄舉班彪所謂卒以潤鑊者非虛
語也有國家者防範周而隱禍消斯其爲至計矣
災祥

水何以闕石何以言倡和異應理數云然芝房寶
鼎何如有年炯炯麟經萬禩永傳志災祥

戰國

△幽繆王五年代地震坼數里之內屋壞者大半坼東
西百三十步△六年大饑民譌言曰趙爲鼎秦爲
哭以爲不信視地之生毛

漢武帝黃龍二年客星見昂分居卷言東五尺許青
色長三寸

晉

△武帝咸寧二年六月白龍二見新興井中△五年閏
七月新興雨雹△太康六年新興山崩水湧出

惠帝元康五年九月新興大風傷稼△永寧元年七
月新興蟲食禾十傷五六△義熙五年三月恒山
崩十四年流星出昴大如拳歷天津分爲三頭
史有聲△恭帝元熙元年二月地震△三月獲白

雉△十二月復獲之

南北朝

△宋文帝元嘉二年十月平城大雪深數尺△七年三月白龍二見平城井中△八年六月大水壞民廬舍數千△十七年二月平城黑風壞屋殺百餘人△帝昞元徽三年五月赤風△順帝昇明元年平城雉二頭上生冠如角△四月地震△二年九月白鳥見△三年十月地震△齊高帝建元二年九月平城大風雪深三尺△武帝永明三年六月靈丘廣昌隕霜△四年二月地震△十年魏主宏于平城侍中省見一鬼衣黃褶袴當戶欲入叱之而退

△東昏侯永元二年二月恒山祠災

△梁武帝天監二年十一月恒山崩 十二月饑 三

年六月懷仁隕霜 十一月恒山崩△大通四年

九月地震 十一月大流星出昴北東南流

貫參光明燭地有聲如雷△十年五月地震△十

一年四月代地震坼水涌出殺人△十二年秋地

屢震△陳文帝天建二年朔州府門外有小兒脚

跡擁土狀如城堆漸南至并州時怪而察之乃妖

狐所爲

雉△十二月復獲之

南北朝

△宋文帝元嘉二年十月平城大雪深數尺△七年三月白龍二見平城井中△八年六月大水壞民廬舍數千△十七年二月平城黑風壞屋殺百餘人△帝昞元徽三年五月赤風△順帝昇明元年平城雉二頭上生冠如角△四月地震△二年九月白鳥見△三年十月地震△齊高帝建元二年九月平城大風雪深三尺△武帝永明三年六月靈丘廣昌隕霜△四年二月地震△十年魏王宏于平城侍中省見一鬼衣黃裙袴當戶欲入叱之而退

△東昏侯永元二年二月恒山祠災

△梁武帝天監二年十一月恒山崩 十二月饑 三

年六月懷仁隕霜 十一月恒山崩△大通四年

九月地震 十一月大流星出昴北東南流歷畢

貫參光明燭地有聲如雷△十年五月地震△十

一年四月代地震坼水涌出殺人△十二年秋地

屢震△陳文帝天建二年朔州府門外有小兒脚

跡擁土狀如城堆漸南至并州時怪而察之乃妖

狐所爲

唐

高祖武德二年雲中雨血三日△高宗永徽元年四月朔州地震十一月定襄地震△甘露元年秋鳴鷄群飛入塞人呼鳴鷄為突厥雀南飛戎馬必至已而泥孰匄反至春群飛出塞多墮靈武間死視之無首後泥孰匄亡△憲宗元和七年正月鎮武河溢毀東受降城△宣宗大中二年十月天德軍鎮武軍地震壞廬舍壓死者數十人昭宗天祐元年二月太白夕見昂色赤炎燄如火有三角如花而亂動

梁

太祖乾化元年十一月流星出畢口大數升曳光三丈餘有聲如雷

後唐明宗天成二年大有年斗粟十錢

周

太祖廣順二年十一月朔州獲白鬼

宋

太宗雍熙四年饑契丹大同節度使耶律抹只請增價折粟以利貧民契丹主從之△淳化三年七月桑乾河溢漂禾壞屋殺人甚衆△真宗乾興元年

唐

高祖武德二年雲中雨血三日△高宗永徽元年四

月朔州地震 十一月定襄地震△甘露元年秋

鳴鷄群飛入塞人呼鳴鷄為突厥雀南飛戎馬必

至已而泥孰匄及至春群飛出塞多墮靈武間死

視之無首後泥孰匄亡△憲宗元和七年正月鎮

武河溢毀東受降城△宣宗大中二年十月天德

軍鎮武軍地震壞廬舍壓死者數十人 昭宗天

祐元年二月太白夕見昂色赤炎燄如火有三角

如花而亂動

梁

太祖乾化元年十一月流星出畢口大數升曳光三

丈餘有聲如雷

△後唐明宗天成二年大有年斗粟十錢

周

△太祖廣順二年十一月朔州獲白鬼

宋

△太宗雍熙四年饑契丹大同節度使耶律抹只請增

價折粟以利貧民契丹主從之△淳化三年七月

桑乾河溢漂禾壞屋殺人甚衆△真宗乾興元年

正月雲應地震鬼白山裂有泉涌出 孝宗淳熙

五年雲州饑 理宗景定二年七月隕霜 三年

五月隕霜 四年四月隕霜殺禾麥 五年六月

隕霜 度宗咸淳元年蝗 二年五月朔應大水

元

世祖至元二十一年八月

大同踣赤氣蔽天 二十六年夏雨雹 二十七

年七月隕霜 二十八年懷仁縣河岸崩有蛇大

小相縮結約載數車 成宗大德七年饑詔減價

糶米 八年五月雨雹 八月隕霜 九年四月

大同踣地震有聲如雷壞官民廬舍五千餘間壓

死二千餘人懷仁地裂涌水盡黑浮出松栢朽木

六月雨雹 十一月地霜 十年二月大同踣暴

風大雪壞民廬舍人畜凍死 武宗至大元年八

月隕霜 四年七月雨雹 仁宗皇慶二年饑

八月雨雹 二年五月雨雹 七年饑 英宗至

治元年春大同踣麒麟生 夏旱七月雨雹

三年七月隕霜 泰定元年六月渾源河水溢

八月雨雹 三年二月渾源河溢 四年七月雨

雹 文宗天曆二年春饑 至順元年夏旱

七月隕霜 二年春饑 三年七月隕霜 順帝

正月雲應地震鬼白山裂有泉涌出△孝宗淳熙
五年雲州饑△理宗景定二年七月隕霜△三年
五月隕霜△四年四月隕霜殺禾麥△五年六月
隕霜△度宗咸淳元年蝗△二年五月朔應大水
元
世祖至元二十一年八月

△大同踞赤氣蔽天△二十六年夏雨雹△二十七
年七月隕霜△二十八年懷仁縣河岸崩有蛇大
小相縮結約載數車△成宗大德七年饑詔減價
糶米△八年五月雨雹△八月隕霜△九年四月
大同踞地震有聲如雷壞官民廬舍△五千餘間壓
死二千餘人懷仁地裂涌水盡黑浮出松栢朽木

六月雨雹△十一月地霜△十年二月大同踞暴
風大雪壞民廬舍人畜凍死△武宗至大元年八
月隕霜△四年七月雨雹△仁宗皇慶二年饑
八月雨雹△二年五月雨雹△七年饑△英宗至
治元年春大同踞麒麟生△夏旱七月雨雹

三年七月隕霜△泰定元年六月渾源河水溢
八月雨雹△三年二月渾源河溢△四年七月雨
雹△文宗天曆二年春饑△至順元年夏旱

七月隕霜△二年春饑△三年七月隕霜△順帝

至正二年春饑 十三年冬大疫人死者過半
十五年春饑 十八年二月辛丑夜大同路黑氣
蔽西方有聲如雷少頃東北方火雲交射中天遍
地俱有火空中聞兵戈之聲 十九年八月蝗
二十七年五月隕霜

明

永樂六年十二月二十一日靈丘縣駭水鄉民李文
秀妻米氏一乳生三子長曰吉祥次日壽山次日
福海奏 聞詔遣官臨門賜吉祥米鈔壽山福海
聽鄰家乳養皆月給米五斗待十二歲乃止後二
子俱入邑庠 天順五年八月朔州張伏爾田產
嘉禾有一本二穗者有一本三穗者有一本四五
穗者四十餘畝知州何永取二百本以 獻

弘治十二年五月二十日朔州城北馬圈頭空中有
聲如雷白氣且天火光迸裂落一石大如車輪入
地七尺餘隨有碎石迸出二三十里外色青黑氣
如硫黃質甚堅膩 十四年夏馬邑縣西有火塊
自天而墜有聲如雷入地三尺化爲青石

正德十四年春饑 十五年七月陽和雨雹大者如
杵 十六年春大饑 嘉靖七年七月陽和大水

△至正二年春饑 △十三年冬大疫人死者過半
△十五年春饑 △十八年二月辛丑夜大同路黑氣
蔽西方有聲如雷少頃東北方火雲交射中天遍
地俱有火空中聞兵戈之聲 △十九年八月蝗
△二十七年五月隕霜

明

△永樂六年十二月二十一日靈丘縣駛水鄉民李文
秀妻米氏一乳生三子長曰吉祥次日壽山次日
福海奏 聞詔遣官臨門賜吉祥米鈔壽山福海
聽鄰家乳養皆月給米五斗待十二歲乃止後二
子俱入邑庠 △天順五年八月朔州張伏福田產
嘉禾有一本二穗者有一本三穗者有一本四五
穗者四十餘畝知州何永取二百本以 獻

△弘治十二年五月二十日朔州城北馬圈頭空中有
聲如雷白氣且天火光迸裂落一石大如車輪入
地七尺餘隨有碎石迸出二三十里外色青黑氣
如硫黃質甚堅膩 △十四年夏馬邑縣西有火塊
自天而墜有聲如雷入地三尺化爲青石

△正德十四年春饑 △十五年七月陽和雨雹大者如
杵 △十六年春大饑 △嘉靖七年七月陽和大水

卷十二
十五年七月蝗自境外至群飛蔽天食稼殆盡邊
土舊無蝗見者大駭△十六年雲中黑青見遠視
塊然黑氣不可彷彿近人形若毡席遇之者輒病
尤不利于嬰兒傳言畏馬居民多以馬逐之

△二十年春饑 八月隕霜殺稼△二十三年六月

雨雹 八月廣昌大風拔木靈丘大木△二十四

年正月地震△二十六年六月朔州大風晝晦如

夜△二十七年大同右衛馬祿女年十七將適人

化爲丈夫 九月大有年△二十八八年八月平魯

衛大風拔木壞屋傷牛羊△三十六年五月廣昌

縣大水△三十八年山陰新留村平地涌身產魚

△隆慶二年山陰縣風霾蔽日守埤軍所執刀杖頭有

火光 朔州旱△萬曆二年山陰縣大雨七日夜

平地水深丈餘禾稼盡沒歲大饑△二年七月馬

邑大同雨四十日壞城垣樓舖官民廬舍千餘間

八年大同疫大作死者無筭有司設藥局施藥

九年四月廣靈縣地震有聲如雷摧塌崖岩垣屋

△十年大同地震壞屋△十一年廣靈縣地震壺流

河竭自辰至未始流△十二年山陰縣地震有聲

月餘方止△十三年正月十六日廣昌縣雨雹十

卷十二
雲中郡志
十五年七月蝗自境外至群飛蔽天食稼殆盡邊
土舊無蝗見者大駭十六年雲中黑青見遠視
塊然黑氣不可彷彿近人形若毡席過之者輒病
尤不利于嬰兒傳言畏馬居民多以馬逐之

二十二年春饑 八月隕霜殺稼二十三年六月

雨雹 八月廣昌大風拔木靈丘大木二十四

年正月地震二十六六年六月朔州大風晝晦如
夜二十七年大同右衛馬祿女年十七將適人

化為丈夫 九月大有年二十八八年八月平魯

衛大風拔木壞屋傷牛羊三十六年五月廣昌

縣大水三十八年山陰新留村平地涌泉產魚

隆慶二年山陰縣風霾蔽日守埤軍所執刀杖頭有

火光 朔州旱萬曆二年山陰縣大雨七日夜

平地水深丈餘禾稼盡沒歲大饑二年七月馬

邑大同雨四十日壞城垣樓舖官民廬舍千餘間

八年大同疫大作死者無筭有司設藥局施藥

九年四月廣靈縣地震有聲如雷摧塌崖岩垣屋

十年大同地震壞屋十一年廣靈縣地震壺流

河竭自辰至未始流十二年山陰縣地震有聲

月餘方止十三年正月十六日廣昌縣雨雹十

七日地震 二月二十九日大同風霾傷人畜

夏廣靈縣旱 詔免夏稅十分之七 七月府南

城樓鳴吻中青氣冲天 十六年六月朔州隕霜

雨雹大傷禾稼 七月山陰縣雨雹害稼傷人畜

二十三年四月山陰縣大雪 二十六年九月九

日大同神機庫自崩聲如巨雷煙霧蔽空磚石飛

擊數十里外守軍震死圍墻頽裂壓死附近居民

及磚石四落擊傷人畜甚衆 七月平魯衛雨雹

殺禾壞屋 山陰縣大風拔木 二十七年山陰

縣霖雨壞官民廬舍 二十八年旱大饑巡撫設

平糶之法民賴全活 三十一年十二月山陰縣

有大星墜于城東

崇禎十七年府屬瘟疫而府城尤甚至順治元年

年息矣

國朝

順治四年五年本府俱隲六年尤甚至七年以後遂

絕

論曰禎祥妖孽與亡之兆此率由感召使然敢謂

造物之偶值也然有有其事而無其應者有休明

而孽端見者有淫隱而瑞端見者有氣釀於前而

七日地震 二月二十九日大同風霾傷人畜

夏廣靈縣旱 詔免夏稅十分之七 七月府南

城樓鴟吻中青氣冲天 十六年六月朔州隕霜

雨雹大傷禾稼 七月山陰縣雨雹害稼傷人畜

二十三年四月山陰縣大雪 二十六年九月九

日大同神機庫自崩聲如巨雷煙霧蔽空磚石飛

擊數十里外守軍震死圍墻頽裂壓死附近居民

及磚石四落擊傷人畜甚衆 七月平魯衛雨雹

殺禾壞屋 山陰縣大風拔木 二十七年山陰

縣霖雨壞官民廬舍 二十八年旱大饑巡撫設

平糶之法民賴全活 三十一年十二月山陰縣

有大星墜于城東

崇禎十七年府屬瘟疫而府城尤甚至順治元年

年息矣

國朝

順治四年五年本府俱隍六年尤甚至七年以後遂

絕

論曰禎祥妖孽與亡之兆此率由感召使然敢謂

造物之偶值也然有有其事而無其應者有休明

而孽端見者有淫隱而瑞端見者有氣釀於前而

適發于此者有昭示彰顯而徵應在遠者其理必
耿非識徹千古烏能通其條貫哉故夫子因魯史
作春秋於休徵咎徵無不詳言之紀天文則日蝕
星隕紀造化則隕霜雨雪紀五行則水火木金紀
地理則山崩川竭紀禽鳥則六鷁鸛鶴紀草木則
李實木冰頽不一及於此者誠恐後世寡昧之徒
牽合附會攻異端而誣天人爲淫荒褻越之蒿萊
也區區雲中災祥迭見憲章夫子僅識其蹟爲睿
德者之南車考古者之夏鼎焉耳



遠矣于此者有昭示彰顯而徵應在遠者其理
耿非識徹千古烏能通其條貫哉故夫子因魯
作春秋於休徵咎徵無不詳言之紀天文則日蝕
星隕紀造化則隕霜雨雪紀水旱則水大旱紀
地理則山崩川竭紀禽鳥則六鷁鸛鶴紀草木則
李實木冰頽不一及於此者誠恐後世寡昧之徒
彙合附會攻異端而誣天人為淫荒褻越之蒿
也區區雲中災祥迭見憲章夫子僅識其蹟為
德者之南車考古者之夏鼎焉耳



